

温疫條辨摘要



溫疫條辨摘要

附

風溫簡便方  
金瘡鐵扇散方

光緒己丑年  
浙江書局刊

原序

漢長沙太守張仲景傷寒論爲方書之祖其治傷寒諸方於今

爲烈惟於溫病

溫从<sub>灬</sub>後人省<sub>灬</sub>加<sub>疒</sub>爲瘟卽溫字

僅有刺穴之法而世失其傳

後人不明其義凡遇春溫夏熱外感內傷以及陰虛內熱等症

執守成方概以傷寒施治張冠李戴其貽誤豈淺鮮哉是以河

間東垣丹溪繼起詳爲發明有功天下後世良多此薛立齋所

以有外感遵仲景內傷法東垣熱病用河間雜症用丹溪之通

論也惜於溫病治法猶未發其奧妙吳又可溫疫論出世人咸

奉爲金科玉律矣然尙泥於膜原之說若逢初得卽中陰陽毒

脈伏體厥及一切暴症急症乃疾雷不及掩耳必待離於膜原然後議下恐亦不可救藥也且如三消飲中用草菓羌葛等味溫中發表與亢陽之症頗不相宜博採溫病良方莫如山陰陳三錫所著二分晰義一書之簡當詳明自夏邑楊栗山著傷寒溫疫條辨妙會張仲景溫病可刺五十九穴之義而又以後賢諸書神明而化裁之爲之條分縷晰使寒溫之辨朗若列眉實發前人未發之覆啟千古不傳之秘醫者倘卽此而精研之凡治溫疫當無復有含冤者矣但其書尙未廣傳卽豫省坊間亦無市本雖於溫疫盛行時舉其說以告行醫諸君子又恐其少

見多怪也嗚呼斯人何辜遭此疫癘而又爲庸醫所誤致有合家殞滅而莫之或悟者竊心傷之因以硯田餘力出其三折一得之見爰卽陳楊二家言特爲摘要一卷略明大義備載症脉條列治法雖不盡詳言其所以然之故而大要已具使第依樣葫蘆按症施治固未有不愈者也若夫因應隨機神明變化則又存乎其人耳錄成特書微意以弁諸首嘉慶辛未新安呂田書於橫山澹成軒

原序

憶自嘉慶甲戌河南新安呂子浴軒館余家昕夕談論每言其

從兄硯平先生學問人品爲洛西冠而兼邃於醫病多奇方方多奇中惜乎余未之見焉丙子春兒子驄忽遘疾遠近醫者數十輩咸以爲傷寒投以汗和之劑而勢益增延數日幾瀕於危正在倉皇無措適先生之胞姪子模世兄緣事過沃迂道問其從叔浴軒於館當卽延入診視一見決爲瘟病所開之方迥異尋常治法入口下咽症隨藥減漸次獲痊因詳與語乃知其令叔著有瘟疫條辨摘要一書屢爲友人謀刻未果凡所據以審症用藥者實本諸此余欲取而讀之倉猝弗可得迄今數年浴軒乃攜以至展誦數過始知有陳楊二家書而先生之博覽精

探迥非膚見淺學可比獨念先生品學足以醫國醫俗上下均  
無所施而僅寄託於方書小道致足惜耳適沈吟聞兒子驄忽  
從旁請曰聞先生之於是道蓋不啻三折肱矣此書尤發前人  
未發之覆簡明精當闢千年之羣蕪張暗室之明燈有益於世  
不淺未宜久秘篋中願捐貲付剞劂廣傳當時俾業是科者知  
瘟病另爲一門與傷寒治法迥然不侔庶臨症不至乖方而其  
大有造於斯人也正匪獨先生之志也夫余欣然從之而爲之  
序 誥封中議大夫候選郎中前戶部江南司主事古沃愚弟  
裴念謨頓首拜書時道光癸未九月二日也



奇勸重印廣傳原序

余於咸豐丁巳筮仕中州謬膺筦鑰十有餘載惟素不知醫而極愛良方刊刻廣傳終日孜孜不憚煩勞且於公餘之暇修製丹丸購買靈藥施送多歷年所本省及各省醫療病症無算已身四十餘年無疾纏繞益信功不枉用中州歷年來旱時居多頻生瘟疫醫家總以傷寒方治之無效正在無法可施適已未春洪大令自山西攜來瘟疫條辨摘要一書據云曾在安徽經驗多年奈兵燹之後板片無存只有一本恐日久遺失勢必失傳豈不可惜於是依方施治無不應手而療一時傳抄洛陽紙

貴計算此書字數不下四萬每字工價一文謀諸同善好施十人每人各出青蚨四貫付之梓人兩月告成中州全省傳遍活人甚廣恐他省未必周知茲再刷印寄至京都另刷一分求各省提塘寄各省首縣卽求醵金刻印廣傳外府屬之州縣則各省共傳此方人人同登壽寓不分此疆彼界依然痛養相關非特予小子之幸抑且是書之幸云爾是爲序同治十年歲次辛未識於豫省官舍燕山斫如宋光祚

引言

歲丁丑都門疫甚有友云疫無死證皆  
誤治耳服其藥者果立起活人無算余  
亦其一也叩其術歷數群書余不知醫  
頗苦其多乃云溫疫條辨摘要一本  
言簡且賅即不曉脈息按證施治靡不  
應手嗣徧覓坊閭越二年始獲此本

閱之了之累試悉驗今甌人適苦疫用  
亟刊布冀禔灾黎光緒十有一年八月  
郡守李士彬識

其一二三四五六七八九十  
十一十二十三十四十五十六十七十八十九二十  
二十一二十二二十三二十四二十五二十六二十七二十八二十九三十  
三十一三十二三十三三十四三十五三十六三十七三十八三十九四十  
四十一四十二四十三四十四四十五四十六四十七四十八四十九五十  
五十一五十二五十三五十四五十五五十六五十七五十八五十九六十  
六十一六十二六十三六十四六十五六十六六十七六十八六十九七十  
七十一七十二七十三七十四七十五七十六七十七七十八七十九八十  
八十一八十二八十三八十四八十五八十六八十七八十八八十九九十  
九十一九十二九十三九十四九十五九十六九十七九十八九十九一百

瘟疫條辨摘要目錄

瘟病根源症治與傷寒不同辨

雜氣說

瘟病與傷寒六經症治不同辨

瘟病症狀五十條

大頭六症

瘟病諸下症

續增分別瘟病症治八十五條

四損不可正治辨

瘧病與傷寒不同診脈義

瘧病正治諸方

瘧病雜症諸方

補遺諸方

附治捻頸血痢瓜瓢楊梅跣踏錦霞諸瘧六方

又附葡萄疫症治

又附風溫簡便方

又附金瘡鐵扇散方

瘟疫條辨摘要

原本

山陰陳良佐錫三先生二分晰義

夏邑楊璿栗山先生寒溫條辨

河南新安呂田心齋集錄

瘟疫病根源症治與傷寒不同辨

傷寒得天地之常氣冬寒之月風寒外感邪氣從肌膚入自氣

分傳於血分治法以發表為第一義故不見裏症一發汗而外

邪即解溫病得天地之雜氣即天地之癘氣四時皆有春夏較多而於兵荒之後為尤甚延門合

百每相傳染謂之瘟疫。邪氣從口鼻入中於三焦。自血分發出。非若傷寒之不染人也。

氣分治法以逐穢為第一義。吳又可曰：大凡客邪貴乎早治，須乘人氣血未亂，肌肉未消，津液未

耗，病人不至危殆。投劑不至掣肘。愈後亦易平復。欲為萬全之

策者，不過知邪之所在，早拔去病根為要耳。此其所以注意逐

邪不拘，故雖有表症。瘟疫凡見表症皆裏一發汗而內邪愈熾。

結糞也。症鬱滯浮越於外也。吳氏曰：醫見有表復有裏，乃引經論先解其表，乃攻其裏。此大

謬也。○以上分別寒溫，了如指掌，最宜着意認識。庶不入於歧

路。近時治瘟病者，每以治傷寒方治之，即不用辛溫發散之品。

亦多用九味羌活湯，或達源三消之劑。溫覆汗之，不然則小柴

胡湯和之，非發汗過多，即和解擔延，往往變為亡陽越經等症。

遺誤不淺，不得不辨。或用鮮薄荷連根搗取，自然汁服，能散一

切風毒，然亦非為發始設也。臨症慎之。或曰：內經云：冬傷於寒，春必病溫。何也？楊

栗山曰：冬傷於寒，謂人當冬時受寒氣也。春必病溫，謂人到來



春必病溫也。亦猶曰人之傷於寒也。則爲病熱云爾。東垣云。其所以不病於冬而病於春者。以寒水居卯之分。方得其權。大寒之令。復行於春。開發腠理。少陰不藏。辛苦之人。陽氣外泄。誰爲鼓舞。陰精內枯。誰爲滋養生化之源。已絕。身之所存者熱也。故內經又云。冬不藏精。春必病溫。此水衰火旺。來春其病。未有不發熱者。與溫病何涉。溫病者。疝癘之雜氣。非冬來之常氣也。腎虛人易爲雜氣所侵。則有之。非謂傷於寒。則爲溫病也。經何以不曰溫病。而必曰病溫乎。蓋溫者熱之始。熱者溫之終也。豈諸家所謂溫病者哉。特辨以正前人註釋之謬。○按晉王叔和序



雜氣說 節錄

雜氣者。天地一切不正之氣。楊栗山曰。毒霧之來也。無端。烟瘴之出也。無時。濕熱薰蒸之惡穢。無窮。無數。兼以餓殍在野。胔骼之掩埋不厚。甚有死尸連牀。魄汗之淋漓自充。遂使一切不正之氣。升降流行於上下之間。凡在氣交中。無可逃避。雖童男室女。以無漏之體。富貴豐亨。以幽閒之思。且不能不共相殘染。而辛苦之人。可知矣。而貧乏困頓之人。又豈顧問哉。語云。大兵之後。必有大荒。大荒之後。必有大疫。疢癘旱潦之災。禽獸草木。往往不免。而況於人乎。觀此。益知瘟病根源。絕非冬來之常氣矣。

按吳又可曰雜氣之所至無時所着無方故有發於一鄉一邑而他處安然無有者亦非年歲四時五運六氣之所可拘也其所著雜氣論亦可互參

大哉文之妙必存大矣悲感早瘧之災倫想草木

辛若之人可映矣而貧之困勉之人又豈願聞時毒六火災

大哉快料雨管然士示之間凡并屢交中無可數撰龍道

其真與不真其存其亡豈非難言之術而自衣教則一似不

以真與無相感其然然之惡其誠無嫌兼以類說或理謂也

錄序傳六卷二四不五之錄錄栗山曰書錄之來也錄

錄序傳

卷二

溫病與傷寒六經症治不同辨

此辨六經形症甚悉臨症詳之自知何症為何經矣

凡傷寒

冬月為正傷寒

足太陽膀胱經從頭項貫腰脊故頭痛項強身

痛發熱惡寒然風寒常相因寒則傷榮頭痛惡寒脉浮緊無汗

麻黃湯主之開發腠理以散寒得汗而愈風則傷衛頭痛惡風

脉浮緩有汗桂枝湯主之充塞腠理以散風汗止而愈若風寒

並受榮衛俱傷頭痛發熱無汗煩燥大青龍湯主之此三方者

冬月天寒腠密非辛溫不能發散故宜用也

此言治冬月正傷寒表症若用以治

溫病未有不死者

若夫春夏之溫病

冬月患溫病者有之斷未有春夏而為傷寒者

其雜氣從

口鼻而入伏鬱中焦流佈上下一發則炎熱熾盛表裏枯涸其

陰氣不榮斷不能汗亦不可汗邪不在表也宜以辛涼苦寒清瀉為

妙輕則清之神解清化芳香之類重則下之增損雙解加味涼

膈升降之類消息治之傷寒汗後熱不退此陰陽交而魂魄離

也症亦危矣熱稍緩者宜更汗之若反劇煩燥者必有夾食夾

痰或兼有宿病當尋其源而治之若發熱煩燥小便不利為熱

入膀胱之本五苓散主之溫病清後熱不退脉洪滑數或沉伏

表裏皆實譫語狂越此熱在三焦也加味六一湯解毒承氣湯

大下之傷寒傳至陽明則身熱目痛鼻乾不得卧葛根湯表裏

俱盛口渴引飲脉洪大此在經之熱也宜白虎湯傳至少陽為

半表半裏之經往來寒熱脇滿口苦耳聾乾嘔默默不欲食小

柴胡湯加減和之若溫病見此症宜增損大柴胡湯治之過此不解則入陽明之

府表症悉罷名爲傳裏若溫病則邪熱本在裏潮熱譫語脣焦舌燥大便

秘脉沉實長洪如痞滿燥實四症皆具大承氣湯主之但見滿

燥實三症邪在中焦調胃承氣湯不用枳朴恐傷上焦之氣若

只只痞滿二症邪在上焦小承氣湯不用芒硝恐傷下焦之血

也小腹急大便黑小便自利喜忘如狂畜血也桃仁承氣湯代

抵當湯丸濕熱發黃但頭汗茵陳湯傷寒下後熱不退胸中堅

滿不消脉尚數實者此爲下未盡或下後一二日復發喘滿者

並可用大柴胡湯、或六一順氣湯、復下之、若下後仍不解、宜詳  
虛實論治、如脉虛、人虛、發熱、口乾、舌燥、不可更下、小柴胡湯、參  
胡三白湯、和之、温病下後、厥不回、熱仍盛、不退者、危症也、如脉  
虛、人弱、不可更下、黃連解毒湯、玉女煎、清之、不能不下、黃龍湯  
主之、若停積已盡、邪熱愈熾、脉微氣微、法無可生、至此下之死、  
不下亦死、用大復甦飲、清補兼施、宣散虛熱、脉氣漸復、或有得  
生者、醫貫以六味地黃丸料、大劑煎服、以滋真陰、此亦有理、若  
傷寒腹滿而噤乾、則知病在太陰也、口燥咽乾而渴、則知病在  
少陰也、煩滿囊縮而厥、則知病在厥陰也、邪到三陰、脉多見沉、



倘沉而有力、此從三陽傳於三陰、熱症也、外雖有厥逆、自利、欲  
寢、舌捲、囊縮等症、正所云陽極發厥、止該清之下之、自是桂枝  
加大黃承氣六一一派、若溫病見此等症、自是涼膈六一解毒承氣之類、若本是陽症、  
因汗下太過、陽氣已脫、遂轉為陰症、夫邪在三陽、其虛未甚、胃  
氣尙能與邪搏、而為實熱之症、邪到三陰、久而生變、其虛之甚  
也、氣血津液俱亡、不能勝其邪之傷、因之下陷、而裏寒之症作  
矣、此熱變為寒之至理、脉必沉而無力、症見四肢厥逆、心忪、惕  
、囁、腹痛、吐利、畏寒、戰慄、引衣、蹇臥、急宜溫之、補之、陽虛者、附子  
四逆、陰虛者、理陰、補陰、傷寒多有此症、

此言由三陽傳入三陰也、又有直中陰經者。

按温病後半治法間或有同温病無陰症若久病枯槁酒色耗傷寒用桂附者亦不可不知竭者老風爛已入四

損不可正治之熱變為寒百不一出此辨温病與傷寒六經症

條亦難為力矣△△治之要訣也蓋傷寒之邪風寒外感始中太陽者十八九温病

之邪直行中道初起陽明者十八九信乎治療之宜早而發表

清裏之宜諦當也倘審之不諦而誤治之即成壞病是醫者之

咎也可不慎與此書本為温病而設故論辨內凡治傷寒方茲不具載

按傷寒論曰凡治温病可刺五十九穴成註瀉諸經之濕熱

謂瀉諸陽之熱逆瀉胸中之熱瀉胃中之熱瀉四肢之熱瀉

五藏之熱也觀此可知温病治法與傷寒温覆發散之法劃

然兩途。又平脉篇曰。寸口脉陰陽俱緊。此明與傷寒脉浮緊。浮緩不同。復繼之曰。清邪中於上焦。濁邪中於下焦。陰中於邪。則又與傷寒症行身背。行身前。行身側之迥別矣。自叔和伏寒之論出。而世人無不以溫病爲傷寒。無不以傷寒方治瘟病。致使仲景良法精義。千古長晦。無惑乎喻氏謂一盲引衆盲。相將入火坑也。此言雖近於慢罵。實則救世之婆心耳。余故特揭經言於此。以告當時醫溫病者。且爲進一言曰。曾是傷寒論而猶不足信與。

全通矣論而餘不致言與

余特特辭辭言然此以書當由醫局派者且為說一言曰會

樂首財利入本利也此言難哉欲與醫實則與此之要也且

誠誠姪姪仲景其志誠善千古其誠誠誠誠平命列信一言也

言案之論出而世人無不以醫誠誠誠誠不以樹寒衣也

醫道之難也寒衣其骨竹其肉竹其骨竹其肉竹其骨竹其肉

氣難言也醫道之曰當深中氣士誠誠誠誠中氣中氣中氣

然則錢文平淵謙曰十日無效則身死也此言醫道之難也

濕病以辨症爲要。其狀多端，特爲揭出，以便認識。

有頭暈、渾身壯熱、內燒作渴、嘔噦吐食者。○有頭眩、胸膈膨悶、不利、不思飲食、遍身壯熱者。○有渾身壯熱、飲水無度者。○有內燒作渴、而身不發熱者。○有渾身壯熱、而無汗者。○有渾身壯熱、而自汗無度者。○有頭疼、腦悶、壯熱發渴、渾身骨節酸痛者。○有壯熱發斑者。○有壯熱、溫疹發露者。○有頭面猝腫者。○有腮臉偏腫者。○有咽喉腫痛、痰涎壅塞、滴水不能下者。用馬齒莧二斤，不見水搗入白麵半斤，陳醋一兩，和勻敷腫處，便覺冰涼爽快，口含升降散，卽能下咽喉。半日間其腫消盡如失。○有喉項俱腫、上連腮頰、而疼痛痰涎上壅者。○有渾身壯熱、

聲音不亮者○有猝然跌倒喉中痰响如水雞聲者

切莫認作真中風更

莫認作類中風

○有渾身壯熱頭昏耳聾者○有頭項猝腫大如斗者

○有遍身斑疹雜出者○有似野火丹毒者○有似癰疹風瘡者○有血從口出者○有血從鼻孔出者○有血從牙宣出者○有血從大小便出者○有小便熱淋如血者○有小便瀝痛不通者○有大便閉結者○有大便火瀉無度者○有舌強口苦咽乾聲音不亮者○有肚腹作痛腸鳴如雷者○有渾身壯熱內燒口舌生瘡者○有發斑譫語昏迷不省人事者○有見神見鬼手舞足蹈似風癲狂崇者○有患瘟疫而誤服發汗之

劑變爲亡陽之症、發狂叫跳、昏不知人者、○有昏不知人、如醉  
如癡者、○有渾身壯熱、頭痛咳嗽不甯者、○有內燒作渴、上吐  
下瀉、身不發熱者、○有憎寒壯熱、一身骨節酸痛者、○有四肢  
厥冷、身涼如水、而噴氣如火、煩燥不甯者、○有遍身紅腫、發塊  
如瘤者、○有胸高脇起、脹痛嘔如血汁者、○有血從目出、牙縫  
出毛孔出者、○有血從大便出、甚如爛瓜肉、屋漏水者、○有便  
清瀉白、足重難移者、○有肉瞶筋惕者、○有舌捲囊縮者、○有  
舌出寸許、絞擾不住、聲音不出者、○有頭痛如破、腰痛如折、滿  
面紅腫、目不能開者、○有熱盛神昏、形如醉人、哭笑無常、目不

能閉者。○有渾身火泡瘡帶白漿者。以上諸症有單見者有兼見者不可枚舉統以升降

散治之

大頭六症乃瘟病中之最重且凶者傷寒無此症故復申

而明之

大頭者天行疵癘之雜氣人感受之壅遏上焦直犯清道發之

為大頭溫也世皆謂風邪閉塞而成是不知病之來歷者也○

若頭巔腦後項下及耳後赤腫者此邪毒內蘊發越於太陽也○

○鼻額兩目並額上面部掀赤而腫者此邪毒內蘊發越於陽

明也○耳上下前後並頭角赤腫者此邪毒內蘊發越於少陽



也。○至於喉痺、項腫、勁筋脹大、俗名蝦蟆瘟、正經所云清邪中

上焦也。○如絞腸瘟、吐瀉、揪痛、軟腳、瘟骨、痿足、痛、正經所云濁

邪中下焦也。○如瓜瓢瘟、胸高、嘔血、疔瘡、瘟紅腫、發塊、正經所

云陰中於邪也。○六症統以升降散主之，甚者增損雙解散，加味

瘟病無正發汗之理，惟下症最多，並為指明。

面黃○身黃此濕熱鬱於脾土之症，宜茵陳湯合升降散治之。○目暗不明○目赤○

目黃○目瞑○目直視○目反折此腎水枯涸，邪熱居內之症，宜加水枯涸，邪熱居內之症，宜加味涼膈散，加龍胆草。

○舌白胎○舌黃胎○舌黑胎白黃者宜升降散，加味涼膈散；黑者宜解毒承氣湯。○按黑而

乾澁者，屬實若黑而滑潤者，屬虛，更宜詳審脈症形神，四者參看的確，分別治之，虛者似宜用理陰之類，不得謂黑色皆實也。

○舌白砂胎○舌紫赤色○舌芒刺○舌裂○舌短○舌捲○

舌硬○脣燥裂○脣焦色○口臭○鼻孔如烟煤○口燥咽乾

○氣噴如火○揚手擲足○小便極臭○小便赤黑○小便涓

滴作痛○朝熱○善太息○心下滿○心下痛○心下滿痛○

心下高起如塊○腹脹滿痛○腹痛按之愈痛○小腹滿痛○

頭脹○頭脹痛○頭汗○頭痛如破○譫語○發狂○畜血如

狂○小便閉○大便燥結○轉屎極臭此皆下症虛者慎之便結虛者用三汁湯白菜

汁大麻仁汁生芝宜大大便膠閉○挾熱下利柴胡熱結傍流加味六一

順氣虛者慎之脉厥○體厥○宜解毒承氣○以上症治大畧已具

瘟病諸症業已條列於前，猶恐臨症含糊，茲復詳錄寒溫條辨各條，並摘取吳氏瘟疫論以明瘟病症治之所以異於傷寒者若干條，令閱者了然於心，不以瘟病爲傷寒，不以傷寒方治瘟病，則患瘟者自不冤矣。其中有輕者，有重者，有最重者，到底總無陰症。諸條開列於左。

陽症發熱惡寒頭痛身痛目痛鼻乾不眠脇痛寒熱而嘔潮熱、譫語、詈罵不認親疎、面紅光彩、唇燥舌黃、胸腹滿痛、能飲冷水、身輕易動、常欲開目見人、喜言語、聲音亮、口鼻之氣往來自如、小便或黃或赤或溷濁、或短數、大便或燥秘或膠閉、或

挾熱下利、或熱結旁流、手足自溫、煖、爪甲紅活、此陽症之大  
畧也。在瘟病、無論爲表爲裏、一於清熱導滯而已。不宜發表。

以有表症而非表邪也。

陰症在傷寒末傳寒中、與陰寒直中三陰、則有之。其症或惡寒、  
戰慄、面時青黑、或虛陽泛上、面雖赤而不紅活、光彩、身重難  
以轉側、或喜向壁臥、或踈臥欲寐、或閉目不欲見人、懶言語、  
或氣微難、以佈息、或口鼻之氣自冷、聲不響亮、或時燥擾煩  
渴、不能飲冷、或脣青、或舌胎黑而滑、手足厥逆、爪甲青紫、血  
不紅活、小便清白、或淡黃、大便下利、或寒結、或熱在肌肉之

分以手按之。殊無大熱。若陰勝則冰透手。此陰症之大畧也。

瘟病無陰症。所以並列者。以別陽症便於認識也。或四損之人。亦有虛弱者。但

其根源是瘟病。即溫補藥中亦宜用滋陰之味。若峻用辛熱

恐真陰立涸矣。

陽症似陰。乃火極似水。真陽症也。宜以雙解涼膈加味六一解

毒承氣之類。斟酌輕重消息治之。以下諸條皆言瘟病各

症。非兼傷寒雜症也。閱者詳之。

陰症似陽。瘟病無此。雖房事後適病。病適至行房。總是陽症。

陽毒陰毒雜氣。中人之陽分為陽毒。中人之陰分為陰毒。凡中

此者不止面赤吐膿血咽喉痛身痛甚至心腹絞痛大滿大脹通身脉絡青紫手足指甲色如靛葉口噤牙緊心中忙亂

一二日即死者但刺尺澤穴在肱骨灣上委中穴在腿灣十指出血

並刺金津玉液二穴穴在口內舌下兩青筋出血或有發泡者亦刺破

兼治七十二番即令服玉樞丹最妙撥正散尤為奇方男左女右吹

入鼻中雖危必甦以增損雙解散主之按辛巳之疫亦間有用溫熱愈者須臨症

詳審

表症發熱惡寒惡風頭痛身痛項背強痛目痛鼻乾不眠胸脇痛耳聾目眩往來寒熱嘔而口苦脉浮而洪或緊而緩或長

而弦此皆表症在瘟病乃裏症鬱結浮越於外也宜升降雙解裏熱一清表氣自透不待發散自能汗解

裏症不惡寒反惡熱掌心並腋下濺濺汗出腹中硬滿脹痛大便燥結或膠閉或熱結旁流或挾熱下利譫語發狂口渴咽乾舌黃或黑舌捲或裂煩滿囊縮而厥脉洪滑或沉實或伏數此皆裏症宜下並詳參前下症條

表裏兼症輕則增損大柴胡重則加味六一順氣主之

下後脉反浮裏症下後當脉靜身凉今脉浮身微熱口渴神思

或不爽此邪熱溢於肌表裏無大留滯也雖無汗宜白虎湯

若大下後、或數下後、脉空浮而虛、按之豁然如無、以其人或

自利經久、或他病先虧、或本病日久不痊、或反覆數下、以致

周身血液枯涸、宜用玉女煎、加入參、除邪滋陰、其病自愈。

下後脉復沉餘邪復瘀於胃也、宜更下之、更下後、脉再浮者、宜

白虎湯、得汗而解、如脉空浮而數、按之如無、宜白虎加入參、

下後脉反數、身復熱、舌上生津、不甚飲水、此裏邪漸去、鬱陽暴

伸也、宜柴胡清燥湯、和解之。

下後身反熱、與上條義同。

下後反痞、此虛而誤下也、宜參歸養榮湯、中病即止。



下後邪氣復聚乃餘邪尙有隱伏因而復發再酌前方下之慎

勿過劑

下後奪氣不語乃氣血俱虛神思不清惟向裏睡似寐非寐似

寤非寤呼之不應此正氣奪也靜守虛回而神思自清言語

漸朗如用藥人參養榮湯可酌與之亦勿過劑

急症急攻蓋以雜氣流毒怫鬱三焦其病不可測識一發舌上

白胎如積粉譬如早服涼膈承氣等方下之至午舌變黃色

煩滿更甚再急下之至晚舌變黑刺或鼻如烟煤仍加硝黃

大下之所謂邪微病微邪甚病甚非藥之過也此一日之間

而有三變、幾日之法、一日行之、稍緩則不及救矣。若下後熱、渴除、胎不生、方愈。更有熱除胎脫、日後熱復發、胎復生者、再酌前方下之、不必疑貳也。嘗見瘟病一二日卽死者、乃其類也。原本醫案云、丁亥五月、李廉臣女、年十八、患瘟、體厥、脈厥、內熱外寒、痞滿燥實、譫語狂亂、罵詈不避親疎、煩燥渴飲、不食不寐、惡人與火、晝夜無寧刻、予自端陽日診其病、至七月初三日始識人、熱退七八、而思食、自始至終、以解毒承氣湯一方、雪水熬石膏湯煎服、約下三百餘行、黑白稠粘等物、愈下愈多、不可測識、此真奇症、恠症也。廉臣曰、若非世兄見真

守定、通權達變、小女何以再生、戊子秋、舉人李煦南長公、約年十五、患瘟、脉沉伏、妄見妄言、如醉如癡、渴飲無度、以加味涼膈散、連下一月而甦、又子甥年二十一、患瘟、初病便煩滿、囊縮、登高棄衣、渴飲不食、日吐血數十日、用犀角地黃湯、加柴芩、連梔、元參、荆芥、穗灰十劑、間服瀉心承氣湯七劑、諸症退、而飲食進、越五日、小便不通、脹痛欲死、予細診問、脉仍沉、臍間按之勁痛、予思此土實氣閉不舒、因而小水不利也、以大承氣湯、下黑血塊數枚、而病始痊、此皆症之罕見者也、可見凡下不以數計、有是症、卽投是藥、但恐見理不明、認症不

透反致擔擱。而輕重緩急之際。有應連日。有應間日。下者。如  
何應多。如何應少。其間不能如法。亦足誤事。此非可以言傳。

臨時酌斷可也。此等症治亦少。存此以備參考。傷寒無此症。治。子猶子慎。樞治孟津。杜名金鼎者。曾用。

增損雙解散。生石膏八錢。芒硝五錢。大黃八錢。日進二付。連  
服八日。而始愈。是亦大症之一驗也。故附誌之。以便參酌。

因證數攻。瘟病下後二三日。或一二日。舌上復生胎刺。邪未盡

也。再下之。胎刺雖未去。已無鋒芒。而輒然熱渴未除。更下之。

熱渴減。胎刺脫。日後更復熱。又生胎刺。更宜下之。吳又可曰。

余里周因之。患疫月餘。胎刺凡三換。計服大黃二十兩。始愈。

又朱海疇。年四十五歲。患疫得下症。四肢不舉。身臥如塑。目

閉口張舌上胎刺問其所苦不能答因問其子兩三日所服何藥云進承氣湯三劑每劑投大黃兩許不效更無他策惟待日而已但不忍坐視更祈一診余診得脉尙有神下症悉具藥淺病深也先投大黃一兩五錢目有時而少動再投舌刺無芒口漸開而能言三劑舌胎少去神思少爽四日服柴胡清燥湯五日復生芒刺煩熱又加再下之七日又投承氣養榮湯熱少退八日仍用大承氣肢體自能少動計半月共服大黃十二兩而愈又數日始進糜粥調理兩月平復凡治千人所遇此等症不過三四人而已姑存案以備參酌耳

發熱頭痛身痛而渴為熱之輕者神解小清涼之類如發熱氣

噴如火目赤舌黃譫語喘息為熱之重者加味涼膈增損三

黃石膏之類如發熱厥逆舌見黑胎則熱之極矣加味六一

順氣解毒承氣大清大下之

惡寒口燥咽乾舌黃唇焦甚至戰振者乃陽盛格陰內熱則外

寒也輕則神解甚則升降增損雙解治之

惡風等於惡寒神解芳香升降涼膈等方斟酌治之

頭痛乃邪熱上攻頭面輕宜神解清化重則增損雙解升降合

內外治之

身痛乃熱鬱三焦表裏阻隔陰陽不通也宜神解芳香升降加

味涼膈增損雙解之類隨其輕重酌用自愈

不眠由熱鬱三焦陰不敵陽故煩燥不能眠也輕則增損大柴

胡湯重則增損雙解兩解表裏之熱毒以治之

多眠三陽合病目合則汗小清涼合白虎譫語有熱增損三黃

石膏加大黃蓋胃中有熱亦欲多眠但神昏氣粗而大熱絕

不似少陰之蹇臥足冷也

自汗邪熱內結誤服表藥大汗亡陽煩渴不解大復甦飲不因

誤表而自汗者增損三黃石膏裏實加大黃若愈後每飲食

及驚動卽汗出此表裏虛怯也人參固本湯加黃芪牡蠣麻  
 黃根以固之吳氏用人參養榮湯至發熱而利自汗不止者  
 死大汗出熱反盛狂言不止者死汗出髮潤喘不休者死汗  
 出如珠不流者死

盜汗由邪熱內鬱外侵於表升降或增損大柴胡加牡蠣胆草

或龍胆草末二錢猪胆汁同温酒調服按此症用當歸六黃湯亦效

頭汗熱不得越陽氣上騰也兼譫語者增損大柴胡加味凉膈  
 身發黃者凉膈加茵陳心下滿頭汗出水結胸也宜柴胡陷  
 胸湯卽小柴胡加瓜蒌實四錢黃連二錢陽明病頭汗出下



血譫語此為熱入血室

兼男子言不  
僅婦人也

柴胡清燥湯加山甲桃

仁黃連大黃芒硝若下後頭汗出小便利者死又下後頰上

汗出而喘小便反秘者亦死元氣下脫頰上汗如貫珠者死

頭汗有生死之分須詳辨之

手足心腋下汗為陽明胃實兼少陽胆實也增損大柴胡大便

秘硬者加味六一順氣兼譫語者為有燥糞熱聚於胃宜加

味涼膈散

戰汗疫邪留於氣分解以戰汗氣屬陽而輕清邪在氣分則易

疎透所以時得戰汗當即脉靜身涼煩渴頓除三五日後陽

氣漸積，不待飲食勞碌，或有反復者，乃裏邪未去，纔經發熱，下之卽解，下之未盡，日後復熱，當復下，復汗下後，煩渴減，腹滿去，或思食而知味，裏氣和也。身熱未除，脈近浮，此邪氣拂鬱於經也。當得汗解，如未得汗，以柴胡清燥湯和之，復不得汗者，從漸解也，不可苛求其汗。應下失下，氣消血耗，既下欲作戰汗，但戰而不汗者危，以中氣虧微，但能降陷，不能升發也。次日當期復戰，厥回汗出者生，厥不回汗不出者死，以正氣脫，不勝其邪也。戰而厥回無汗者，真陽尚在，表氣枯涸也，可使漸愈。若戰而忽瘳者，必死，瘳者身如尸，牙關緊，目上視。

也。凡戰不可擾動。但可溫覆。擾動則戰而中止。次日當期復戰。戰汗後復下後。越二三日。反腹痛不止者。欲作滯下也。無

論已見積未見積。宜當歸導滯湯治之。

狂汗。此乃因伏邪中潰。欲作汗解。因其稟賦充盛。陽氣沖擊。不能頓開。故忽然坐臥不安。且狂且燥。少頃。大汗淋漓。狂燥頓

止而愈。○吳又可曰。傷寒汗解在前。瘟疫汗解在後。

結胸痞氣。是鬱熱內攻。宜陷胸承氣。加味涼膈之類。早下之外。

用熨法。最妙。

腹滿熱鬱。失下邪火久羈也。脹滿而痛。或咽乾便秘。譫語者。升

降涼膈加枳實厚朴

小腹滿為尿與血小便不利者尿瀦也宜神解升降小便自利

者畜血也解毒承氣加夜明砂桃仁丹皮山甲

腹痛亦邪火鬱滯陽明也宜升降涼膈消息治之

煩熱此雜氣伏鬱三焦也宜雙解三黃石膏之屬消息治之

潮熱陽明內實也增損大柴胡或加味涼膈加胆草升降散太

極丸酌用亦好甚則六一順氣更須切脉之滑大沉實審其

臍腹脹痛與否務要酌度適中病情不可太過不及

往來寒熱伏邪內鬱多屬熱結在裏陰陽不和增損大柴胡主

之升降散亦此症妙藥也。

△△ 譫語大便難者熱鬱三焦時其輕重以升降涼膈六一解毒承

氣之類消息治之若誤服表藥者增損三黃石膏加大黃畜  
血者大便黑小便利解毒承氣加夜明砂桃仁山甲丹皮下  
利脉滑而數者有宿食也加味六一必須詳辨症脉斟酌適  
中甚有體厥脉厥者更須下之若下後下症悉除三五日後  
譫語不止者宜柴胡養榮湯加辰砂一錢大抵譫語脉短則  
死脉和則愈或氣上逆而喘滿或氣下奪而自利皆爲逆也  
此又不可不知

猶子慎思瘟病大下後譫語仍不止無可再  
下余以三黃石膏加辰砂一錢遂愈附此亦

見醫者意也神  
明存乎其人耳

鄭聲乃鄭重頻頻，謬語諄諄不已而氣微也。若神昏氣促，不知

人事者，死如氣不促，手足頗溫，其脉沉細而微者，人參三白

湯、五福飲、七福飲之類，隨症加減治之，所謂四損不可正治

者，此類是也。

發狂屬陽明邪熱已極，察其大便硬結，或腹滿而堅，或濕滯膠

閉，或挾熱下利，或熱結旁流，酌用大小承氣、涼膈、六一、解毒

承氣之類，下之如無脹滿結實等症，以白虎、解毒、三黃、石膏

大小清涼之類，清其邪火，其病自愈。外有如狂發狂二症，以

熱搏血分畜血陽明輕則如狂、重則發狂、黃連解毒湯送下、代抵當湯丸去桂、加牛膝丹皮、又有如狂一症、或由失志而病在心、或由悲憂而病在肺、或由失精而病在腎、或由鬱怒思慮、飢飽勞碌而病在肝脾、此其本病已傷於內、而邪氣復侵於外、則本病必隨邪而起矣、外無黃赤之色、剛暴之氣、內無胸腹之結、滑實之脉、或不時燥擾而禁之則止、或口多妄誕而聲息不壯、或眼見虛空、或驚惶不定、察其上口無燥渴、察其下便無硬結、是皆精氣受傷、神魂不守、所謂虛狂是也、與陽極發狂者迥不相同、須辨氣血陰陽四損、何在隨症消

息治之。又有應下失下，真氣虧微，及投承氣，下咽少頃，額上汗出，髮根搔痒，邪火上炎，手足厥冷，甚則振戰心煩，坐臥不安，如狂之狀，此為藥煩。急投薑湯，即已。若藥中多加生薑煎服，則無此狀矣。

發斑疹總緣雜氣熱毒鬱於胃中而發洩也。

吳又可曰：傷寒發斑則病篤，時疫發

斑則病衰斑出紅赤者為胃熱，紫紅者為熱甚，黑色者為胃爛，最

忌稠密成片，如熱甚，脉洪數，煩渴者，白虎合犀角地黃，加蚕

蟬青黛，如熱毒內蘊，心煩不得眠，錯語呻吟者，犀角大青湯

加蚕蟬，或增損三黃石膏，加青黛犀角，熱煩便結者，俱加酒



大黃、如斑發已盡、外熱稍退、內實便秘、譫語者、加味涼膈、微下之、若夫疹與斑等、增損雙解主之、加紫背浮萍五七錢、或重加石膏、大黃、芒硝、清散得宜、未有不出者、如身出而頭面不出、此毒氣內歸、危候也、急以大蟾蜍一個、搗和新汲水、去渣、痛飲之、自出、屢驗。○又有虛火發斑、其斑淡紅、按之即無、或四肢逆冷、脉見虛弱、古方治以大建中湯、僭擬用人參養榮湯、以補氣血、臨症酌之、然此症在瘟病百中無一、雖甲戌之疫、病者甚衆、此症僅見其一、以氣血雙補而愈。

發黃<sup>△△</sup>多由陽明濕熱、加味涼膈、加茵陳、外用黑豆一升、黃蒿四

兩煮滾湯一鍋、傾銅盆內、攪稍冷、入雞蛋清七八個、以手指攪起白沫、敷身黃處、黃散溫覆、汗出而愈、瘟病至此、為疾已甚、多有不治之症、按茵陳湯亦好、余曾治此病、以升降散重加茵陳即愈

畜血謂瘀血畜結於內也、身黃如狂、屎黑、善忘、皆畜血之症、緣陽明熱鬱、失下邪火久羈、故腸胃畜血多、膀胱畜血少、亦有血為熱搏、下注膀胱者、必察其人胸臍傍小腹、但有硬滿處、以手按則痛者、便為畜血、若在胸脇、手不可近、犀角地黃合黃連解毒、中腕臍間、手不可近、桃仁承氣、去桂、加丹皮、枳殼、再合黃連解毒、臍下小腹、手不可近、黃連解毒、送增損代抵

當湯丸然病至此已難爲矣實者可救虛者多危

衄血<sup>△</sup>緣血熱在裏浮越於表也犀角地黄加蒼連柴梔元參蚕

蟬甚加大黃入蜜酒童便冷服大抵衄血吐血下血脈微小

者生實大者死或衄吐下後脈微小易治若熱反盛脈反洪

數者死若衄而頭汗出或身上有汗不至足者皆難治也

吐血<sup>△</sup>此與衄血皆屬熱毒內鬱經絡火盛火載血液而妄行也

大清涼或犀角地黄合瀉心湯有瘀血紫黑成塊者加桃仁

大黃以利之

頭目眩暈及頭脹頭痛頭汗並目赤目黃目不明目直視目反

折俱係雜氣伏鬱中焦邪熱亢閉上攻頭目乃胃家實也通

宜升降涼膈清利之頭眩痛量加大黃目眩赤等症量加酒

炒胆草

咳嗽緣伏熱內鬱也白虎湯合升降小清涼加竹葉若煩悶則

加味涼膈增損三黃石膏並加桔梗又咳而脉數者為心火

刑肺金不治

口燥咽乾佛熱內鬱也小清涼增損三黃石膏再看兼症消息

治之

咽痛佛鬱中焦流佈上下即見少陰經口燥舌乾咽喉腫痛不

利之症。以其脉貫腎絡肺繫舌本故也。增損雙解。加元參牛  
蒟子。或增損普濟消毒飲。倍桔梗。加荆芥穗。升降散。尤為對  
症之藥。余每以清化湯去白附。重加元參。及  
牛蒟子。並用吳萸。未敷足心。即愈。  
發渴。此病一發。即煩渴引飲者。以鬱熱自內達外也。輕則白虎

加蚕蟬花粉。重則增損三黃石膏。加大黃。凡病忽欲飲水者

為欲愈。宜少與之。得水則胃和汗出而愈。

漱水不欲嚥。必其人胃中濕。飲過甚。或伏火未散。或畜血停留。

俱未可知。但口舌乾而不欲咽也。輕則小清涼。升降清降之

重則解毒承氣。大瀉之。

嘔吐嘔者聲物俱出乾嘔者無物之吐亦謂乾嘔吐者無聲出  
物總由胃中伏火鬱而攻發也增損三黃石膏加味涼膈加  
石膏清利之自止若有宿糞燥結時時嘔吐者宜涼膈升降  
通之如病愈後脈症俱平腹中有塊常作蛙聲所云病愈結  
存也俟胃氣漸復津液流通結塊自下斷不可再攻凡胃熱  
甚服藥嘔吐不納者愈吐愈服三服後火性漸消徐徐用藥  
卽不吐須嚼生薑爲妙忌甜物若瘟病愈後大便二三日不  
行時時作嘔飲食不進調胃承氣湯下之卽愈  
發喘喘無善症在瘟病內熱怫鬱三焦如焚也氣上衝胸而喘

者加味涼膈、腹脇滿痛而喘者、解毒承氣、若自臍下氣海、動氣而喘者、不治。

短氣鬱熱內迫、氣多急促、須看兼症。舌上白胎如屑、清化湯、增損三黃石膏、若胎黃及黑色、而短氣、加味涼膈、或解毒承氣之類、急下之。若病者屬四損之輩、又當詳辨。蓋短氣有類於喘、但短氣則氣急而短促、不似喘之搖肩而氣促也。大抵氣急而不相續、多屬實氣、少不足以息、多屬虛。以此辨之、百不一失。

呃逆俗謂打攔忒是也。怫熱攻發、火性上炎、氣逆而呃逆連聲。

治法各從其本症而消息之。大概不外清化、升降、涼膈、以清

熱、導滯爲主。如見白虎症、則投白虎。見承氣症、則投承氣。膈

間痰閉、則用滾痰丸。但治本病、呃自止。又方用白毛烏雞、從

人心胸間

場之愈

蚘厥乃表裏三焦熱鬱亢極。胃中如沸、蚘動不安、下氣不通、必

反於上、因而嘔出。酌用三黃石膏、加味涼膈、俱加川楝子、使

君子烏梅、自愈。大抵胃腕忽痛、忽止、身上乍寒乍熱、面上時

赤時白、脉息倏亂倏靜、皆吐蚘之候也。須早辨之。

厥逆雜氣伏鬱、陽熱內迫、格陰於外、氣閉不能達於四肢、甚有



通身冰涼其脉多沉滑或沉伏或沉細欲絕或六脉俱閉所  
云體厥脉厥是也症多怪異不測之狀輕則升降雙解涼膈  
重則六一順氣解毒承氣斟酌下之若數下後厥不回熱不  
退者死亦有下數十次利下數十行厥方回熱方退而得生  
者卽所謂急症急攻也下之或可活不下必死無疑矣余治厥逆

脉伏而有熱狀者於下劑內重加酒浸大生地一兩歸身七八錢甚效

大便自利佛鬱內盛發熱煩渴小便色赤大便自利升降主之

內熱甚而利不止燥悶狂亂者三黃石膏加酒大黃腹滿痛  
更加之挾熱下利者宜升降小承氣撤其餘邪而利自止熱

結旁流者胃家實熱以六一順氣下之得結糞而利立止若不得結糞仍下臭水及所進湯藥因大腸邪深再以前湯重下之虛甚則宜黃龍湯此內經通因通用之法也

大便膿血因怫熱結滯火勢下注陽實陰虛也甚則如豚肝如爛瓜肉屋漏水者大清涼三黃石膏或當歸導滯加減治之

升降散亦最效

小便不利不通因陽明熱鬱氣結不舒故小水濇滯而短少也

升降散通之自愈亦有心熱小便不利者宜小復甦飲又方

治熱鬱者用元明粉三錢芒硝亦可雞子清一枚蜂蜜三匙

和一處、或新汲水、或燈心湯、或車前草汁、調服、甚則解毒承

氣下之、利水無益也。

小便自利、乃邪熱干於血分、畜血尿血、邪留欲出、小便數急、膀胱不約而自遺也。

升降、或桃仁承氣、去桂、加丹皮、牛膝、枳殼、

合黃連解毒、去其邪熱、自愈。

小便數、膀胱積熱、頻來而短少也、神解升降之屬、治之、

心悸、謂築築然動、怔忡不安也、此鬱熱內盛、火性上衝、加味涼

膈、增損三黃石膏、看兼症消息治之。

瘧症、卽角弓反張也、緣濕熱生風、木勝克土、筋不能榮、輕則

傷瘰癧重則鼻扇目直頭折臂反以加味六一順氣下之蓋

瀉土所以瀉木也

肉瞶筋惕者肌肉蠕動惕者筋脉動跳也此陽明火毒陷入

厥陰陽明主潤宗筋燔灼津液弗榮而動加味六一解毒承

氣消息治之設有虛而瞶惕者必入四損不可正治之條臨

症詳之

舌捲囊縮因邪鬱中焦流佈上下以致肺肝受傷水不勝火陰

不敵陽筋脉弗榮故有此症宜加味六一解毒承氣治之

循衣抹牀由陽明邪熱亢閉上乘心肺致令神志昏憤多有撮

空之症宜解毒承氣下之。如火盛精枯，用熟地一兩，歸身七錢，山藥五錢，煮湯入前藥煎服，每收奇功。若久病神昏，氣血陰陽四損者，宜按四損內消息治之。

煩燥由表裏三焦大熱，渴欲引飲，煩燥不安，多現奇怪不測之

狀。三黃石膏雙解，升降三方並為對症之劑。大抵不經汗下

而煩燥為實，汗下後煩燥為虛。內熱曰煩，謂心中鬱煩為有

根之火。故有煩不燥為可治，外熱曰燥，謂氣外熱燥為無根

之火。故但燥不煩為不可治。按但燥不煩，擬以玉女煎清陽明之火，補少陰之水，或可取效。

懊懣懣，即惱字鬱鬱憤憤，比之煩燥而更甚也。由熱毒蘊於胸

中加味涼膈。或熱毒鬱於胃中。解毒承氣下之。無不愈者。

佛鬱陽氣佛鬱。面赤而光盛也。目紅如硃。煩燥飲水者。增損三

黃石膏內實潮熱不大便。增損大柴胡。或加味涼膈治之。

鬱冒俗謂昏迷是也。由火邪逼肺。神昏不醒。大復甦飲主之。若

蓄熱內逼。脈道不利。反致脈沉細。或閉而昏迷欲死者。加味

涼膈。加味六一之類。治之。又方。蟾蜍心。搗和水飲。最妙。

動氣由藏氣不調。肌膚間築築跳動於臍傍。上下左右。及左乳

之下。曰虛里者。皆其所聯絡者也。故動之微者。止於臍旁。若

動之甚。則連及虛里。並心脇。真若春春然。連續而渾身振動。

者。乃天一無根也。治法直救真陰。以培根本。使氣有所歸。無不獲效。須分左右水火消息治之。所云四損不可正治者。觀

此可例其餘矣。

肢體浮腫時疫潮熱而渴舌黃身痛心下滿悶腹時痛脈數此

應下之症也。外有通身及面目浮腫喘急不已小便不利此

疫兼水腫因三焦壅閉水道不行也。但治在疫水腫自巳宜

小承氣湯。向有單腹脹而後疫者。治在疫。若先年曾患水腫

因疫而發者。治在疫。水腫自愈。病人通身浮腫下體益甚臍

凸陰囊及陰莖腫大色白小便不利此水腫也。繼又身大熱

五疔傳類  
午後益甚，煩渴，心下滿悶，喘急，大便不調，此又加疫也。因下  
之。下後脹不除，反加腹滿，宜承氣加甘遂二分。弱人量減。蓋  
先腫脹，續得時疫，此水腫兼疫。大水在表，微疫在裏也。故併  
治之。時疫愈後數日，先自足浮腫，小便不利，腫漸至心腹而  
喘，此水氣也。宜治在水。時疫愈後數日，先自足浮腫，小便如  
常，雖至通身浮腫而不喘，別無所苦，此氣復也。蓋血乃氣之  
依歸，氣先血而生，無所依歸，故暫浮腫，但靜養節飲食，不藥  
自愈。若病愈後，三焦受傷，不能通調水道，下輸膀胱，肢體浮  
腫，亦是水氣。自與氣復懸殊，宜金櫃腎氣丸治之。蓋水氣足



冷肢體常重。氣復足不冷。肢體常輕。爲異耳。時疫身體羸弱、  
言不足以聽、氣不足以息、得下症少、與承氣下症稍減、更與  
之眩暈欲絕、蓋不勝其久也。絕穀期月、稍補、則心復滿悶、攻  
不可補、不可守之、則元氣不鼓、餘邪沉匿膜原、日惟水飲而  
已。以後心腹忽加腫滿煩寃者、向來沉匿之邪、方悉分傳於  
表裏也。宜承氣養榮湯一服、病已、設表腫未除、宜微汗之、自  
愈。時疫得裏症、失下、以致面目浮腫、小便自利、此表裏氣滯、  
非兼水腫也。宜承氣下之、裏氣一疎、表氣亦順、浮腫頓除、或  
見絕穀期月、指爲脾虛發腫、誤補必劇、妊娠更多此症、治法

同前，則子母俱安，但當少與，慎無過劑。

藏結如結胸狀，飲食如故，時時下利，寸脈浮，關脈細小，沉緊，名

藏結，一有舌胎，便知熱邪內結，酌用神解大復甦之類，清解

之，亦可與太極丸緩下之。

狐惑症由失下不解所致，食少胃虛，蟲嚙五藏，故唇口生瘡，為

狐惑，謂之狐惑者，如狐之猶豫不定也，其候齒燥，聲啞，惡食，

面目乍赤，乍白，乍黑，舌上胎白，唇黑，四肢沉重，喜眠，胃虛蟲

食，殺人甚速，黃連犀角湯主之，外用雄黃銳丸納穀道中。

百合病，百脈一宗，舉身皆病，無復經絡傳次，故曰百合，其症似

寒不寒、似熱不熱、欲食不食、欲臥不臥、默默不知所苦、服藥  
卽吐、如見鬼狀、大抵由病後虛勞、藏府不調所致、緒論謂卽  
痿症之暴者、以肺熱葉焦、氣化不行、以致小便不利、又肺爲  
百脉之總司、故通身經絡廢弛、宜百合地黄湯治之、余曾治一女子

年十二三歲、忽得痿症、下身不能行動、卽以百合地黄湯與之、漸能動、移復得肩臂、以止至項、相連筋痛而熱、又以生地四物湯、加知母、黃柏、生地重用、兩劑二付而愈。

主客交病、謂人向有他病、疰羸、或久瘡、痢瀉、或內傷、瘀血、或吐血、便血、男子遺精、白濁、眞陰枯涸、女子崩漏、帶下、血枯、經閉之類、以致肌肉消燬、邪火獨存、故脉近滑數、一着溫病、穀食

暴絕更加身痛發熱痞悶不眠若誤以原病更重醫藥頻試  
 或補或瀉或滋養或疏散不得治法病終不解如脉數身熱  
 主不去者邪火與正氣並鬱也肢體時痛者邪火與榮血相搏  
 也胸脇刺痛者邪火上結於膈膜也主客交渾最難得解治  
 法當乘其大肉未消真元未敗急用三甲散多有得生者更  
 附加減於後方中隨其素而調之  
余長子婦妊娠患疫又適  
產後身熱胸脇刺痛按法

治之  
即愈

感冒兼疫邪伏而未發因感冒風寒觸動疫邪相繼而發既  
 有感冒之因復有風寒之脉症先投發散一汗而解一二日

續得頭疼身痛潮熱煩渴不惡寒此風寒去疫邪發也以疫

治之

瘧疫兼症瘧疾二三發或七八發後忽然晝夜發熱煩渴不惡

寒舌生胎刺心腹痞滿飲食不進下症漸具此瘧疫著瘧疾

隱也以疫法治之○瘟疫晝夜純熱心腹痞滿飲食不進下

後脈靜身涼或間日或每日時惡寒而後發熱如期者此瘟

疫解瘧邪未盡也以瘧法治之凡瘧者寒熱如期而發餘時

脈靜身涼此常瘧也若傳胃者必現裏症名為溫瘧宜以疫

法治之余每治瘟瘧以增損大柴胡湯加減投之隨手取效

婦女瘟病與男子無異、但多兼經候、用神解、小清涼、升降、雙解  
之類、隨症治之、否則邪傷衝任而爲熱入血室矣、  
熱入血室、衝爲室海、卽血室也、衝脉得熱、血必妄行、在男子則  
下血、譫語、在婦人則月水適來、惟陽明病下血、譫語、兼男子  
言、不僅爲婦人也、但以婦人經氣所虛、邪得乘虛而入、故病  
熱入血室爲多、如經適來卽斷、胸脇滿、或結胸、譫語、及經行  
未盡而適斷、或熱盛神昏、但頭汗出、並宜增損大柴胡湯、加  
歸尾、桃仁、山甲、若發熱、經水適來而不斷、晝則明了、夜則譫  
語、宜小柴胡、去參、加陳皮、丹皮、梔子、黃連、益母草、以清其熱、

亦有用小柴胡去參加生地愈者又有經盡熱隨血散而自

愈者按衝陽屬陽明胃是經多血太衝屬厥陰肝是經藏血為血海故二經皆為血室也

妊娠瘧病內蘊邪熱急用護胎之法井底泥塗臍至關元臍下二寸

乾再易之或以青黛伏龍肝為末水調塗之若大熱乾嘔錯

語呻吟增損三黃石膏湯治之如熱甚燥急胎動不安必須

早下之奪其裏熱庶免胎墜若治之不早以致腹疼如椎酌

用升降雙解涼膈或去芒硝逐去邪熱而胎自固全不妨礙內經

曰有故無殞亦無損也如係四損之入又當從其損而調之

條辨云結糞瘀邪腸胃中事胎附於脊在腸胃外子宮內事也大黃直入腸胃滌邪故不礙胎氣芒硝化胎不可輕投若

遇燥實用

亦無妨

產後瘟病，佛熱內熾，用三合湯治之最妙。如萬不能不下，升降

散無妨。增損雙解散，去芒硝、黃連，加生地、川芎，尤為對症之

藥。

小兒瘟病，加味太極丸主之。升降散亦妙，分量多少酌用。

復病謂瘥後而病復作發熱也。蓋瘟病邪熱內熾，血分大為虧

損，最善反覆。故有伏邪未盡而自復者，稍與前藥去其餘邪，

自愈。有因梳洗沐浴多言妄動而勞復者，惟脈不沉實為

辨，輕則靜養可愈，或但飲童便無不愈者，重則補陰益氣煎。



六味地黃丸料、或安神養血湯、隨症加減治之、使血脉融和、自然熱退病痊、然亦不可過劑。○有因飽食、及食腥葷、或吞酸飽悶、而發熱者、爲食復、輕則梔子厚朴湯、加神麩、或合小柴胡湯、重則神昏譫語、腹滿堅痛、欲吐不得、欲下不能、此危候也、以升降大柴胡、黃龍、涼膈之類、酌量與服可也。○有因惱怒、與不戒房事、而復發者、乃不自貴重之故、觀症審脉、隨宜救之。○又有小心過慎之人、裏症方退、原不甚虛、輒用參附溫補、是因補而復、以致不救者、不知凡幾、切宜慎之。○凡諸復症、升降散、或太極丸、斟酌輕重、仍可用也。○如瘥後脉

遲細而弱、或五更泄瀉、乃命門真陽不足、自是腎氣右歸、四神之屬、或補陰益氣、六味之類、隨時審症、分別水火酌用可也。○瘟病愈後、繼而有一身盡痛、甚有不可轉側者、又有一目昏花、或兩目昏花、並有兩目不了了、直看不見者、余視此症、乃真陰被火消燬、枯涸而然、用六味地黃湯、加當歸、枸杞子、以補其血、二付遂愈。有耳聾不聽者、有神情癡呆者、有退爪脫皮落髮者、諸如此類、奇奇怪怪、不一而足、自可不藥漸愈、若妄治之、不惟多事、反致不美、慎之、大抵瘟病愈後、太平酒調理最妙、如不可得、莫若靜養為善、尤要在節飲食為第一、關緊。

總之瘟病與傷寒實出兩門。自晉迄今，溫病失傳，無人不以瘟病爲傷寒，無人不以傷寒方治瘟病。動云先解其表，乃攻其裏，此仲景傷寒論也。所以瘟病一二日內，遇陽明腹脹滿痛之症，少陰口燥咽乾之症，厥陰舌捲囊縮之症，再不敢議下。明知厥深熱深之陽症，下之已遲，萬一微倖，不過爲焦頭爛額之客，千餘年來，孰任殺人之辜耶。

按瘟病中天地之癘氣，四時皆有。而於春夏凶荒之際，爲尤甚。若一鄉一家同病，則瘟疫是也。所謂疫者，役也。猶今之門頭差也。若傷寒，只是冬月至春夏斷不得謂之傷寒。且冬月

傷寒風寒由肌膚入初起多見太陽經症漸次循經而傳六經

形症俱詳於前須先認清其於合病兩經三經齊病併病一經先病未盡

者是也或始則二陽合病後則一陽病日傳二經陰陽

衰一陽邪盛歸併於一經亦為併病兩感俱病也在傷寒

仲景以麻黃附子細辛湯主之在瘟病河之症則甚少若瘟

病由內達外乃邪氣充斥奔迫此六字為瘟病症狀傳神最易認識不循經傳

是以諸症合見並奇奇怪怪難以名狀者甚多再細細參之

脉理驗之神情寒瘟之辨了然無復疑義矣

又按冬月正傷寒必用表藥發散者緣寒氣固蔽在表不能發越所以用溫散藥以汗解之是肌一鬆而邪從汗解也若

瘟病火鬱於內，用風藥散之，是猶火得風而愈熾，所以其病益甚。故必養陰禦陽之藥，如水之能制火也。或疑不用表散，何以能發汗？是只知汗出於陽，而不知汗生於陰。養陰則汗自出。譬如五六月亢陽之時，一得陰雨露，自潮出。且汗者心之液。瘟病諸方，大抵總以瀉心經客熱為主。心熱一去，汗液自能流通。矧炎夏之時，動則流汗，又豈待發散而始出耶？

又按二分晰義及寒瘟條辨，俱云：凡瘟病一切解肌發汗，溫中散寒之藥，切戒勿用。今但摘其尤甚者，表而出之，如麻黃、羌活、獨活、葛根、蒼朮、細辛、香附、艾葉、蒼耳、烏頭、桂枝、牙皂、巴

豆、川椒、烏梅、胡椒、故紙、茴香、肉桂、附子、乾薑、豆蔻、益智等味。若誤服之，則亢陽之火愈熾，而病愈危矣。再者，余自三折後，凡臨症閱歷以來，恪守前賢成規，無不取效。亦間有瘟病末後，用參附等熱藥而愈者，非屬四損，卽或誤治，擔延久虧，是又在隨時詳審脈症形神，互相參証，診視諦當，辨別明確，認真虛實寒熱，然後施治，行方而出，以智圓心小，而濟以胆大，始可萬全，不至乖方。所謂神而明之，存乎其人，此又不可不知也。歲甲戌，瘟疫盛行，醫藥每多乖方，觸事生心，不憚煩瑣，續增

八十五條詳悉辨明庶臨症無復疑義云

四損不可正治辨

凡人大勞大慾及大病久病或老人枯槁氣血兩虛陰陽並竭名曰四損真氣不足者氣不足以息言不足以聽或欲言而不能感邪雖重反無脹滿痞塞之症真血不足者通身痿黃兩脣刮白素或吐血衄血便血或婦人崩漏產後失血過多感邪雖重面目反沒赤色真陽不足者或厥逆或下利肢體畏寒口鼻氣冷感邪雖重反無燥渴譫妄之狀真陰不足者肌膚甲錯五液乾枯感邪雖重應汗不汗應厥不厥辨之不明傷寒誤汗瘟

病誤下，以致津液愈爲枯涸，邪氣滯滯，不能轉輸也。凡遇此等，不可以常法正治。當從其損而調之。調之不愈者，稍以常法正治之。治之不愈者，損之至也。一損二損，尚可救援。三損四損，神工亦無施矣。

後附錄  
一案

楊栗山曰：病有純虛純實，非清則補，有何乘除。設有既虛且實者，清補間用，當詳孰先孰後，從少從多，可緩可急，纔見醫家本領。余丙子在毫，生員張琴斯正，年過六旬，素多鬱結，有吐血症，歲三五犯，不以爲事也。四月間，忽而發熱，頭痛，身痛，不惡寒而作渴，乃溫病也。至第二日，吐血倍常，更覺眩暈，大



熱神昏、手足戰掉、咽喉不利、飲食不進、病家醫家、但見吐血、便以發熱眩暈、神昏爲陰虛、頭痛身痛戰掉爲血虛、非大補不可救、不察未吐血前、已有發熱作渴、頭痛身痛之症也。余曰：舊病因溫病發、血脫爲虛、邪熱爲實、是虛中有實症也。不可純補。余用炙甘草湯。原方炙甘草二錢、阿膠二錢、麻仁去皮四錢、麥冬去心四錢、生地八錢、桂枝二錢、人參一錢、生薑二錢、大棗二枚、薛氏加當歸、棗仁炒各三錢、五味子一錢炒。去桂枝、加歸、芍、熟地黃、五味、犀角、僵蚕、蟬脫二服、血已不吐、諸症減去七分。舉家歸功於參、均欲速進、余禁之、竟不能止、又進一服、遂覺煩熱頓作、胸腹否悶、徧體不舒、終夜不寐、時作譫語。余曰：諸症

皆滅初補之功也。此乃本氣空虛，以實填虛，不與邪搏，所餘  
 三分之熱，乃邪熱也。再補則以實填實，邪氣轉熾，故變症蜂  
 起。遂與太極丸微利之而愈。後因勞復，以參柴三白湯治之，  
 而愈。後又食復，以梔子厚朴湯加神麩六錢而愈。引而伸之，  
 觸類而長之，可以應無窮之變矣。

白芍藥。因濕熱。發血。烈。為。補。邪。熱。熾。實。氣。血。中。亦。實。益。也。不  
 亦。有。不。察。未。甚。血。前。日。亦。發。熱。升。兩。面。赤。長。脈。之。益。也。余  
 身。以。發。熱。則。暈。輒。昏。益。則。暈。更。甚。長。脈。則。甚。益。血。則。非。大。劑  
 燕。輒。昏。手。發。輝。耳。鳴。則。不。寐。於。食。不。難。味。淡。習。案。於。其。出。面

瘟病與傷寒不同診脈義

諸書未載獨見傷寒溫疫條辨按此只從陶氏浮中沉三法

凡瘟病脈不浮不沉中按洪長滑數右手反盛於左手總由怫熱鬱滯脈結於中故也若左手脈盛或浮而緊自是感冒風寒之病非瘟病也

凡瘟病脈怫熱在中多見於肌肉之分而不甚浮若熱鬱少陰則脈沉伏欲絕非陰脈也陽邪閉脈也

凡傷寒自外之內從氣分入始病發熱惡寒一二日不作煩渴脈多浮緊不傳三陰脈不見沉瘟病由內達外從血分出始病不惡寒亦間有惡寒者但熱多而寒少耳而發熱一熱即口燥咽乾而渴脈多

洪滑甚則沉伏。此發表清裏之所以異也。

凡浮診中診浮大有力，浮長有力，傷寒得此脈，自當發汗。此麻

黃桂枝症也。溫病始發，雖有此脈，切不可發汗。乃白虎瀉心症

也。死生關頭全於此分。

按瀉心當是大黃黃連瀉心湯方用大黃黃連黃芩非附子瀉心等方也

凡溫病內外有熱，其脈沉伏不洪不數，但指下沉濇而小急，斷

不可誤為虛寒。若以辛溫之藥治之，是益其熱也。所以傷寒多

從脈。瘟病多從症。蓋傷寒風自外入，循經傳也。溫病拂熱內熾。

溢於經也。

凡傷寒始太陽發熱，頭痛而脈反沉者，雖曰太陽，實見少陰之

脉故用四逆湯溫之。若瘟病始發。未嘗不發熱。頭痛而見脉沉。濇小急。此伏熱之毒。滯於少陰。不能發出陽分。所以身大熱而肢不熱者。此名厥症。雜氣怫鬱。火邪閉脉而伏也。急以鹹寒大苦之味。大清大瀉之。斷不可誤爲傷寒。太陽始病。反見少陰脉沉。而用四逆湯溫之。溫之則壞事矣。又不可誤爲傷寒。陽厥慎不可下。而用四逆散和之。和之則病甚矣。蓋熱鬱元閉。陽氣不能交接於四肢。故脉沉而濇。甚至六脉俱絕。此脉厥也。手足逆冷。甚至通身冰涼。此體厥也。卽仲景所謂陽厥。厥淺熱亦淺。厥深熱亦深。是也。下之斷不可遲。非見真守定。通權達變者。不足

以語此

凡瘟病脉中診洪長滑數者輕。重則脉沉。甚則閉絕。此辨瘟病與傷寒脉浮脉沉異治之要訣也。

凡瘟病脉洪長滑數兼緩者易治。兼弦者難治。

凡瘟病脉沉濇小急。四肢厥逆。通身如水者危。

凡瘟病脉兩手閉絕。或一手閉絕者危。

凡瘟病脉沉濇而微。狀若屋漏者死。

凡瘟病脉浮大而散。狀若釜沸者死。

楊栗山曰。傷寒瘟病。必須診脉施治。有脉與症相應者。則易於

識別脉與症不相應，卻宜審察緩急，或該從脉，或該從症，務要  
脉症兩得。卽如表症脉不浮者，可汗而解；裏症脉不沉者，可下  
而解。以邪氣微，不能牽引，抑鬱正氣，故脉不應。下利脉實，有病  
愈者，但得症減，復有實脉，乃天年脉也。又脉法之辨，以洪滑者  
爲陽，爲實；以微弱者爲陰，爲虛，不待問也。然仲景曰：若脉浮大  
者，氣實血虛也。內經曰：脉大四倍以上，爲鬪格，皆爲真虛。陶氏  
曰：不論浮沉大小，但指下無力，重按全無，便是陰脉。此洪滑之  
未必盡爲陽也。實也。景岳曰：其脉如有如無，附骨乃見，沉微細  
脫，乃陰陽潛伏閉塞之候。陶氏曰：凡內外有熱，其脉沉伏，不洪

不數指下沉瀆而小急是為伏熱此微弱之未必盡為陰也虛也夫脉原不可一塗而取須以神氣形色聲音症候彼此相參以決死生安危方為盡善所以古人望聞問切四者缺一不可

春氣實血盛則內熱曰瀉大四逆以止瀉則外熱自退其脈則平  
 夏氣實血盛則內熱曰瀉大四逆以止瀉則外熱自退其脈則平  
 秋氣實血盛則內熱曰瀉大四逆以止瀉則外熱自退其脈則平  
 冬氣實血盛則內熱曰瀉大四逆以止瀉則外熱自退其脈則平  
 而神以察其難不謂幸也此醫書麻姑祖不識不味祖實會  
 祖並兩降明成遠祖不若其可而祖實祖不其亦可不  
 請候祖與無不味其神宜審察其急如必資祖短結發脈發



瘟病正治諸方

升降散

一名二分散  
一名陪賬散

白殭蠶

酒炒  
二錢

全蟬脫

去上  
一錢

廣薑黃

去皮三分  
不用片薑黃

川大黃

生四  
錢

右為細末、合研勻、病輕者分四次服、每服重一錢八分二釐五毫、用冷黃酒一杯、蜂蜜五錢、調勻冷服、中病即止、病重者分三次服、每服重二錢四分三釐三毫、黃酒一杯半、蜜七錢五分、調勻冷服、最重者分二次服、每服重三錢六分五釐、黃酒二杯、蜜一兩、調勻冷服、如一二付未愈、可再服之、熱退即止、胎產亦不息、煉蜜丸、名太極丸、性稍緩、服必空心、服後須

忌半日不可吃茶水。吃烟。吃飲食。若不能忌。並不效能遵禁。  
忌下咽。卽甦。半日而愈。若飽食後服此。亦不效。愈後最忌飽  
食。只宜吃稀粥。四五分飽。永不再發。至於腥葷。更須着實。牢  
忌。萬不可吃。凡患瘟疫。未曾服他藥。或一二日。或七八日。或  
至月餘未愈。但服此藥。卽愈。若先用他藥不效。後用此藥。亦  
闕有不驗者。服藥雜故也。長四六兩。重一錢八分。二錢  
瘟病正治諸方。條列如左。以便按症施治。輕則清之。神解散。  
清化湯。芳香飲。大小清涼散。大小復甦飲。增損三黃石膏湯。  
之類。重則瀉之。增損大柴胡湯。增損雙解散。加味涼膈散。加

味六一順氣湯、增損普濟消毒飲、解毒承氣湯之類、而升降散、其總司也。輕重皆可酌用、察症切脈、斟酌得宜、病之變化、治病之隨機應變、神明則存乎其人耳。寒溫條辨云、處方必有君臣佐使、而又兼引導、此良工之大法也。是方以殭蠶爲君、蟬蛻爲臣、薑黃爲佐、大黃爲使、米酒爲引、蜂蜜爲導、六法俱備、而方乃成。竊嘗考諸本草、而知殭蠶味辛苦、氣薄、喜燥惡濕、得天地清化之氣、輕浮而升陽中之陽、故能勝風除濕、清熱解鬱、從治膀胱相火、引輕清氣上潮於口、散逆濁結滯之痰也。其性屬火、兼土與木、老得金水之化、殭而不腐、溫病

火炎土燥、焚木燬金、得秋分之金氣而自衰、故能辟一切佛鬱之邪氣、夫蠶必三眠三起、眠者病也、合簿皆病而皆不食也、起者愈也、合簿皆愈而皆能食也、用此而治合家之瘟病、所謂因其氣相感、而以意使之者也、故爲君。夫蟬氣寒、無毒、味鹹且甘、爲清虛之品、出糞土之中、處極高之上、自甘風露而已、吸風得清陽之真氣、所以能祛風而勝濕、飲露得太陰之精華、所以能滌熱而解毒也、蛻者退也、蓋欲使人退去其病、亦如蟬之脫然、無恙也、亦所謂因其氣相感、而以意使之者也、故爲臣。薑黃味辛苦、大寒、無毒、蠻人生啖、喜其祛邪伐

惡行氣散鬱，能入心脾二經，建功闢疫，故爲佐。大黃味苦，大寒，無毒，上下通行，蓋亢甚之陽，非此莫抑，苦能瀉火，苦能補虛，一舉而兩得之。人但知其建良將之大勳，而不知有良相之碩德也。故爲使。米酒性大熱，味辛苦而甘，令飲冷酒，欲其行遲，傳化以漸，上行頭面，下達足膝，外週毛孔，內通藏府，經絡驅逐邪氣，無處不到，如物在高巔，必奮飛冲舉以取之，物在遠方及深奧之處，更必迅奔探索以取之，且喜其和血養氣，伐邪辟惡，仍是華陀舊法，亦屠蘇之義也。故爲引。蜂蜜甘平，無毒，其性大涼，主治丹毒斑疹，腹內留熱，嘔吐便秘，欲其

清熱潤燥而自散瘟毒也。故為導。蓋蠶食而不飲，有大便無小便，蟬飲而不食，有小便無大便，以清虛而散火。君明臣良，治化出焉。薑黃辟邪而靖疫，大黃定亂以致治。佐使同心，功績建焉。酒引之使上行，蜜潤之使下導，引導協力，遠近通焉。補瀉兼行，無偏勝之弊。寒熱並用，得時中之宜。所謂天有覆物之功，人有代覆之能。其洵然哉！用治溫病，百發百中。屢試屢驗，萬無一失。

按此方不知起於何時，自陳三錫畧為變通，用治溫熱之病，楊栗山又從表章之，活人無數。

輕清之劑，通人心，利三焦，散其熱，與陽氣，結為氣，大黃刺并大

神解散 瘟病初覺，憎寒，體重，壯熱，頭痛，四肢無力，遍身酸痛，口苦咽乾，胸腹滿悶。此方主之。

白殭蠶 酒炒一錢 蟬蛻 五個或一錢 神麴 三錢 金銀花 二錢 生地 二錢 木

通一錢 車前子 炒研一錢 黃芩 酒洗一錢 黃柏 鹽水炒一錢 桔梗 一錢 黃連 一錢 水

煎入冷黃酒一杯，蜜三匙服。○按此方內無表藥，而汗液流

通內無裏藥，而熱毒自下有斑疹者，即見斑疹而內症悉除。

此其所以神也。

清化湯 瘟病壯熱，憎寒，體重，舌燥，口乾，上氣喘吸，咽喉不利，頭面猝腫，目不能開者。此方主之。

殭蠶 酒炒三錢 全蟬蛻 十個 金銀花 二錢 澤蘭葉 一錢 橘紅 八分 胆草 酒炒一錢

黃芩 二錢 黃連 一錢 梔子 炒一錢 研連翹 去心一錢 元參 一錢 桔梗 一錢 白附子

炮五甘草分五大便實加酒大黃四錢咽喉痛加牛蒡子炒研

一錢頭面不腫去白附子水煎入蜜酒冷服

清化者以清邪中於上焦而能化之以散其毒也芩連梔翹

清心肺之火元參橘甘清氣分之火胆草清肝胆之火而且

沉陰下行以瀉下焦之濕熱蠶蟬散毒消腫定喘出音能使

清陽上升銀花清熱解毒澤蘭行氣消毒白附散頭面風毒

桔梗清咽利膈為藥之舟楫蜜潤藏腑酒熱而散能引諸涼

藥至熱處以行內外上下亦火就燥之意也其中君明臣良

而佐使同心引導協力自使諸症悉平矣



小清涼散

瘟病壯熱煩燥頭沉面赤咽喉不利或唇口頰腮腫者此方主之

殭蠶酒炒二錢 蟬蛻十個 銀花二錢 澤蘭二錢 當歸二錢 生地二錢 石膏五錢 黃

連一錢 黃芩一錢 梔子一錢 丹皮一錢 紫草一錢 水煎入蜜酒童便

冷服。黃連清心火亦清脾火黃芩清肺火亦清肝火石膏

清胃火亦清肺火梔子清三焦之火紫草通竅和血解毒消

脹銀花清熱解毒澤蘭行氣消毒當歸和血生地丹皮涼血

以養陰而退陽也蠶蟬為清化之品散腫消鬱清音定喘使

清升濁降則熱解而症自平矣

芳香飲

嘉慶庚子年

吳

元參兩一 白茯苓錢五 石膏錢五 蟬退十二個 殭蠶酒炒三錢 荆芥三錢 黃芩

二錢 天花粉三錢 神麩炒三錢 苦參三錢 陳皮一錢 甘草一錢 水煎入蜜酒

冷服、瘟病多頭痛身痛、心痛脇痛、嘔吐黃痰、口流濁水、涎

如紅汁、腹如圓箕、手足搖擻、身發斑疹、頭腫舌爛、咽喉痺塞、

此雖奇奇怪怪、不可名狀、皆因肺胃火毒不宣、鬱而成之耳。

治法急宜大清大瀉之、但有氣血損傷之人、遽用大苦大寒

之劑、恐火轉閉塞而不達、是害之也。當以此方治之。

小復甦飲 瘟病大熱或誤服發汗解肌藥以致譫語發狂昏迷不醒燥熱便秘或飽食而復者並此方主之

殭蠶酒炒三錢 蟬蛻一個 神麩三錢 生地三錢 木通二錢 車前子炒研二錢 黃芩

黃柏 梔子炒 黃連 知母 桔梗 丹皮 各一錢 水煎引前

表裏三焦大熱清劑

增損三黃石膏湯

主治表裏三焦大熱兩目如火鼻乾面赤舌黃昏身如塗硃燥渴引飲神昏譫語

石膏

八錢

僵蠶

酒炒三錢

蟬退

十個

薄荷

二錢

淡豆豉

三錢

黃連

二錢

黃柏

水

炒二錢

黃芩

二錢

梔子

二錢

知母

二錢

水煎

入蜜酒

冷服

若腹脹痛或燥結加大黃

寒能制熱故用白虎苦能下熱故用解毒佐以荷豉蠶蟬之

辛散升浮者以溫病熱毒至深表裏俱實揚之則越降之則

鬱鬱則邪火猶存兼之以發揚則炎炎之勢皆燼矣此內外

分消其勢猶兵之分擊者也熱鬱腠理先見表症為大宜

大清涼散

主治表裏三焦大熱胸滿脇痛耳聾目赤口鼻出血昏乾舌燥口苦自汗咽喉腫痛譫語狂亂者

殭蠶

酒炒三錢

全蟬蛻

十個

去毒

當歸

三個

生地

酒洗

金銀花

澤

蘭

各二錢

澤瀉

木通

車前子

炒

黃連

薑炒

黃芩

梔子

味子

麥冬

去心

天冬

胆草

酒炒

知母

丹皮

各一錢

生甘草

五分

水煎入黃酒半小杯童便半小杯冷服

胆草瀉肝熱黃芩瀉肺熱梔子清三焦澤瀉瀉腎濕木通車

前瀉火於下歸地丹皮養血涼血甘草緩中二冬五味清金

平木潤燥養筋黃連瀉心火知母瀉腎火澤蘭行氣消毒銀

花清熱解毒全蝎去風定搐仍用蠶蟬治疫

如無搐症全蝎可去臨時酌裁

地龍湯

治瘟病大熱諸症

地龍即蚯蚓搗爛

入新汲水攪淨浮油飲清汁

首飲金汁愈者即人糞水

清後不解下劑

此方並有初病即用者詳症施治不必執一

加味六一順氣湯

少陰厥陰病口燥咽乾怕熱消渴譫語神昏大便燥實胸腹滿硬或熱結旁流遠臍疼痛

厥逆脉沉伏者此方主之

殭蠶

酒炒三錢

蟬退

酒浸四錢

芒硝

二錢

柴胡

三錢

黃連

黃芩

白芍

生各一錢

厚樸

半錢

枳實

一錢

水煎

沖芒硝

入蜜酒

和服

解毒承氣湯

瘟病三焦大熱痞滿燥實譫語狂亂不識人熱結旁流循衣抹床舌捲囊縮及瓜瓢疙痞癰上為癰

膿下血如脉肝等症厥逆脉沉伏者此方主之加栝萸一個半夏二錢名陷胸承氣湯治胸滿兼有上症者

殭蠶酒炒五錢 蟬退十個 黃連 黃芩 黃柏 梔子各一錢 枳實炒

二錢 厚樸姜炒 大黃酒浸 朴硝三錢 甚至痞滿燥實堅結非

常大黃加至兩餘芒硝加至五七錢餘

水煎入蜜酒和服

按此乃瘟病要藥也。然非厥逆脉伏大熱大實熱結旁流舌

捲囊縮循衣抹床等症見之真而守之定不可輕投。予用此

方救壞症危症大症而愈者甚衆。虛極加人參二錢五分如

無參用熟地一兩歸身七錢山藥五錢煎湯入前藥煎服亦

累有奇效。內經曰熱淫於內治以鹹寒佐之以苦此方是也。

加人參取陽生陰長所謂無陽則陰無以生加熟地等取血

旺氣亦不陷所謂無陰則陽無以化其理一也

### 重瀉之劑

### 增損雙解散

瘟病主方按兼表症多者宜此

殭蠶酒炒三錢 蟬退十二個 廣薑黃七分 防風一錢 薄荷葉一錢 芥穗一錢 當

歸一錢 白芍一錢 黃連一錢 連翹一錢 梔子一錢 黃芩二錢 桔梗二錢 石

膏六錢 滑石三錢 甘草一錢 大黃二錢 芒硝二錢 水煎沖芒硝入蜜

酒冷服按硝黃隨症酌加余用此方每以大黃七八錢芒硝三五錢治重症愈者甚多須隨宜酌量不得執泥

溫毒流注無所不至上干則頭痛目眩耳聾下流則腰痛足

腫注於皮膚，則斑疹瘡瘍，壅於腸胃，則毒利膿血，傷於陽明，則腮臉痛腫，結於太陰，則腹滿嘔吐，結於少陰，則喉痺咽痛，結於厥陰，則舌捲囊縮，此方解散陰陽內外之毒，無所不至矣。

加味涼膈散

瘟病土方，余治瘟病，雙解涼膈，愈者不計其數，若大頭瓜瓢等症，危在旦夕，數年來以二方救活者

百有餘人，真神方也。

按裏症多者宜此。

殭蠶

酒炒 三錢 蟬蛻 十二個

廣薑黃

七分

黃連

二錢

黃芩

二錢

薄荷

去

大黃

芒硝 三錢

甘草

一錢

竹葉

三十片 水煎沖芒

硝入蜜酒冷服，若欲下之量加硝黃，胸中熱加麥冬，心下痞



加枳實、嘔渴、加石膏、小便赤數、加滑石、胸腹滿、加枳實、厚朴、連翹、荷竹、味薄而升浮、瀉火於上、芩連、梔薑、味苦而無氣、瀉火於中、大黃、芒硝、味厚而鹹寒、瀉火於下、蠶蟬、清化、滌疵、癩之氣以解毒、用甘草者、取其性緩而和中也、加蜜酒者、取其引上而導下也、

增損普濟消毒散

太和年、民多疫癘、初覺憎寒、壯熱、體重、次傳頭面腫盛、目不能開、上喘咽、喉不利、口燥舌

乾俗名大頭瘟、東垣曰、半身以上天之陽也、邪氣客於心、肺上攻頭面而為腫耳、此經所謂邪中於上焦者也、

元參

三錢黃連

二錢連翹

去心梔子

酒炒牛蒡子

炒藍根

如無以清

桔

梗

各二錢陳皮

一錢甘草

生全蟬退

十二個殭蠶

酒炒大黃

酒浸各三錢

黃芩三錢水煎入蜜酒童便冷服

芩連瀉心肺之熱為君元參陳皮甘草瀉火補氣為臣翹梔

芩藍蠶蟬散腫消毒定喘為佐大黃蕩熱斬關推陳致新為

使桔梗為舟楫載藥上浮以開下行之路也

半表半裏之劑並治瘧瘧屢驗大黃有

增損大柴胡湯瘧病熱鬱脹理以辛涼解散不至還裏而成

柴胡四錢薄荷二錢陳皮一錢黃芩二錢黃連一錢黃柏一錢梔子一錢枳實

一錢大黃一錢廣薑黃七分蠶蠶酒炒三錢全蟬退十個白芍一錢嘔加生薑

二錢水煎入冷黃酒一兩蜜五錢冷服

清下壯水諸劑

黃連解毒湯

大熱乾嘔煩渴譫語神吟不眠者此方主之

黃連

黃芩

黃柏

梔子

各一錢

水煎冷服

崔尙書曰胃有燥糞令人錯語邪熱盛極亦令人錯語大便

秘而錯語者承氣湯大便通而錯語者解毒湯

玉女煎

治少陰不足陽明有餘水虧火旺六脉浮洪滑大乾燥煩渴頭痛牙疼吐血衄血者

熟地

五錢

牛膝

錢半

石膏

五錢

知母

錢半

麥冬

去心二錢

水煎服

熟地牛膝補腎水之不足石膏知母瀉脾土之有餘而金則

土之子水之母也麥冬甘以保肺寒以清肺所謂虛則補其

母實則瀉其子也

黃龍湯

治胃實失下虛極熱極  
循衣撮空不下必死者

人參

錢半

熟地

錢三

當歸

錢二

大黃

酒浸  
錢三

芒硝

錢二

枳實

錢一

厚樸

錢一

五分

水煎服

虛人熱結於內攻之不行乃腸胃枯涸之故故陶氏加參歸地於大承氣中以助氣血建背城之功與小柴胡湯桂枝新加湯用人參佐表藥輔正匡邪之義同

六味地黃湯

此所謂壯水之主以制陽光也

熟地

錢四

山藥

錢二

山萸肉

錢二

白茯苓

錢半

丹皮

錢半

澤瀉

錢半

水煎服

下後虛極之劑

人參固本湯

瘟病虛極熱極循衣撮空不下必死者下後神思稍甦續得肢體振寒怔忡驚悸如人將捕之狀四肢厥逆眩暈昏迷項背強直此夫虛之兆將危之候也此方救之。按此等症竟有至十日本外昏迷不醒四體冰涼形如死人而心口微動者以附子理中回陽漸甦靜養而愈但不可多用久用耳。誌此以見神化之一端。

人參

錢二

熟地

錢三

生地

錢二

杭芍

錢半

天冬

去心

麥冬

去心

五味

知母

炙草

陳皮

錢各一

水煎微溫服。服後虛回即止服。蓋溫病乃邪火燥症。人參固為補元氣之神丹。但恐偏於益陽。恣意投之。有助火固邪之弊。不可不知。世之庸工。溫病用參受害者。不可枚舉。病家只

誤一人醫家終身不悟不知殺人無算特書之以為濫用人  
參之戒必如前症虛危之極方可暫用

下後不解之劑

大復甦飲

瘟病表裏大熱或誤服溫補和解藥以致神昏不語  
形如醉人或哭笑無常或手足舞足蹈或謔語罵人不

省人事目不能閉名越經症及誤服表藥而大汗不止者名  
亡陽症此方主之。按越經者傷寒傳變只足三陽三陰六

經而不及手三陽三陰六經此則越足  
六經之外而熱入於手少陰心經也

殭蠶

酒炒三錢

蟬蛻

十當歸三錢

生地

二錢

人參

茯神

犀角

磨汁麥

冬  
天麻

丹皮

梔子

炒黑黃連

知母

黃芩

炒甘草

各一

錢  
滑石

水煎入蜜酒犀汁服

按犀角甚難磨可剉細紙  
包納懷中候熱取搗立碎

羅細和服此歸田錄  
所謂人氣粉犀也  
陳來章曰熱入於心經涼之以連梔犀

角心熱移於小腸瀉之以滑石甘草心熱上逼於肺清之以

芩知麥冬然邪之越經而傳於心與夫汗多亡陽者皆心神

不足也故又入人參茯神以補之此即導赤瀉心各半湯也

加天麻濕紙包煨使之開竅以定其搐按如無其症天麻可不用再加歸

地丹皮和血涼血以養其陰仍用蠶蟬以清化之品滌疵癘

之氣耳

### 瘟病雜症諸方

### 痞滿脹痛熨方

生薑 葱白等分 生白蘿蔔加倍如無用子 約共須一二斤，搗碎炒熱。

白布包作餅，熨胸前結胸處，並治一切痞滿脹痛，皆愈且速。

犀角大青湯 治斑出心煩大熱錯語，呻吟不眠或咽不利者。

犀角 一錢磨汁或為細末入 大青 或以青黛代之 元參 各三錢 升麻 黃連 黃

芩 天黃柏 梔子 各一錢 甘草 五分 水煎入犀角童便冷服，或加

殭蠶三錢，蟬退十個，便秘加大黃。

犀角地黃湯 瘟病胃火熱盛，衄血吐血，咳咯血者，蓋衄行清道，而不守，隨氣而行，火氣急迫，故隨經直犯清道上腦而出於鼻，為衄，其從肺而出於咽者，則為咳咯，其存胃中者，為守榮之血，守而不走，胃虛不能攝，或為火逼，故嘔吐從咽而出也。衄血之熱在經，吐血之熱在府，傷寒衄血為表熱，瘟病衄血



為裏熱內經曰心移熱於肺則咳嗽出血便血畜血如狂漱  
水不欲咽傷寒便血為傳經熱邪瘟病便血為裏熱畜血在  
上則喜忘在下則如狂漱水而不欲咽熱在經裏無熱也  
血發燥而內不渴故雖漱水而不欲咽海藏經曰凡血症多  
不飲水惟氣症則飲水經云陽明病口燥漱水不欲咽者必  
衄傷寒當發汗而不發汗邪熱妄行逼血外出故見此症及  
陽毒發斑熱甚傷血發於皮膚見紅點者為疹如錦紋者為  
斑傷寒不當下而下熱毒乘虛入胃則發斑疹瘟病當下而  
不下熱留胃中亦發斑疹或誤服熱藥太過亦發斑  
疹○又婦人血崩赤淋以火勝故致之此方並治

懷生地六錢白芍四錢牡丹皮三錢犀角二錢磨水煎入犀角

汁服瘀血甚者加大黃二錢以行之或因怒致血或熱極如狂

加柴胡平少陰厥陰之火加黃芩瀉上中二焦之火加梔子

瀉三焦之火也

生地甘寒涼血以滋腎水丹皮苦寒瀉血中之伏火犀角大寒解胃熱而清心火白芍酸寒和陰血而散肝火以共平諸

經之僭逆也

地榆散

治癰病熱毒不解日晡壯熱腹痛便利膿血甚如爛瓜肉屋漏水者

地榆二錢當歸四錢白芍四錢黃芩二錢黃連二錢梔子炒黑二錢犀角鎊磨汁

薤白四錢無薤白韭白亦可

水煎入犀角汁冷服又有熱毒痢下血用鬱金炒槐花各五錢炙草減半為末每服三錢豆豉湯下

治日久病甚煩燥昏沉

蟾蜍心三二個搗和水飲一二次定心安神而病去矣勿以

爲微而忽之或並加硃砂少許

白虎湯

溫病表裏俱盛口渴引飲脈洪大此方主之

石膏

生入錢

知母

三錢

甘草

生錢

粳米

二錢

竹葉

三十片

水煎冷服

玉樞丹

一名紫金錠主治暴中雜氣昏暈欲倒如霍亂吐瀉攪腸沙青筋脹心腹痛脹諸般危症並一切山嵐瘴氣水土不服解諸毒療諸瘡利關竅

通百病奇效有不可殫述者

山茨姑

洪山出者洗去毛皮焙二兩

川文蛤

一名五倍子製淨槌破焙二兩

紅芽大戟

去淨骨焙

一兩干金子

一名續隨子用鮮者去殼去油

一兩朱砂

有神氣者研末三錢

明雄黃

鮮紅大塊

者研末

揀淨皮毛乾者研末三錢

右七味

秤準合研勻於細石臼內漸

加糯米濃飲調和燥濕得宜杵干餘以光潤爲度每錠一錢

每服一錠、病重者連服三錠、取通利後、以溫粥補之。  
一治一切飲食藥毒、蠱毒、及喫自死牛馬猪羊等肉、菌中毒、  
並山嵐瘴氣、烟霧惡毒等症、昏亂猝倒、或生異形之狀、悉用  
涼水磨服。一凡遇天行疫症、延街偏巷、相傳染者、用桃根  
湯磨濃、抹入鼻孔、次服少許、任入病家、再不沾染。一治陰  
陽二毒、瘟疫、痧脹、或狂言亂語、或胸腹腫痛、並喉痺咽腫、俱  
用薄荷湯待冷磨服。一治癰疽發背、對口天泡、無名腫毒、  
蛀節紅絲等疔、諸惡等瘡、諸風癩疹、久痔紅腫、及陽梅結毒、  
俱用無灰酒磨服、外用涼水磨塗、日夜數次、覺癢卽消潰爛。

者亦可少減。一治牙疼，酒磨塗痛處，仍含少許，良久嚥下。  
一治男婦急病癡邪奔走，叫號失心，狂亂羊羔豬癩等風，俱  
用石菖蒲煎湯磨服。一治心胃痛及諸般氣痛，諸般血痛，  
並赤白痢瀉泄急痛，霍亂絞腸之類，俱用薑湯磨服。一治  
中氣中風中痰，口眼歪斜，牙關緊急，語言蹇澀，筋股攣縮，骨  
節風腫，遍身疼痛，行步艱難等症，用酒磨頓熱服之。一治  
風犬毒蛇澗溪諸蟲傷人，及注徧身毒氣入裏，命在旦夕，俱  
用酒磨服，外以水磨塗之，再服葱湯汗出愈。一治年深日  
久頭脹，頭疼，偏正頭風，及溫病後毒氣攻注腦門作脹者，俱

用葱酒磨服、仍磨塗太陽穴上。一治小兒急驚風、五疳五痢、黃疸俱用薄荷湯磨、加蜜調服。一治小兒遺毒生下百日內、皮塌肉爛、穀道眼眶、損者涼水磨服、並塗抹。一治婦人經水不通、紅花湯下。一治傳尸勞瘵、諸藥不效、一方士指教服此、每早磨服一錠、至三次後、逐下惡物、尸蟲異形怪類而愈。一治一女子久患勞瘵、爲尸蟲所噬、磨服一錠、片時吐下小虫十餘條、後服蘇合香丸、其病頓失、調理月餘而愈、真濟世衛生之寶藥也。

撥正散

主治雜氣爲病、陰陽毒痧脹、及一切無名惡症、並食厥痰厥、氣厥皆驗。

合少撞見及熱不

萹撥

雄黃

精為上

火硝

各二錢

冰片

麝

各五釐

右為細末、男左女右、以筒吹入鼻中、即甦。

柴胡養榮湯

治瘟病後陰枯、血燥邪熱不退、其水煎而飲之、其效如神。

柴胡

三錢

黃芩

二錢

陳皮

一錢

甘草

一錢

當歸

二錢

白芍

錢半

二花粉

二錢

蟬退

十個

疆蠶

酒炒三錢

大棗

二枚

水煎

溫服

去當歸、白芍、生地、名柴胡、清燥湯、數下、後餘熱未盡、邪與衛

搏、故熱不能頓除、宜此方和解之。

安神養血湯

治愈後勞復發熱

茯神

棗仁

當歸

遠志

桔梗

白芍

生地

陳皮

甘草 元肉

當歸導滯湯

治病後痢疾。按尊生書歸芍三倍、萊菔子加一倍半餘俱三錢炙草用生者臨症酌之。

當歸 一兩

白芍 一兩

萊菔子 四錢

車前子 研

枳殼 炒

檳榔

炙草 二各

錢水煎入蜜服

紅痢加桃仁

此方之奇全在當歸白芍蓋泄瀉最忌當歸之滑而痢疾最喜其滑也白芍味酸入肝以和木使木不侵脾土枳殼檳榔消逐濕熱之邪車前分利其水濕而又不耗真陰之氣萊菔辛辣除熱去濕又能上下通達消食利氣使行於血分之中助當芍以生新血而蕩滌其瘀血也加甘草蜂蜜以和中則



又無過烈之患奏功之神奇實有妙理耳熱加黃連二錢黃  
芩二錢日夜無度或裏急後重之甚者加大黃木香溫病後  
痢疾加白殭蠶蟬脫余嘗治溫疹後痢甚危者加金銀花一  
兩至四兩屢效又有疫痢傳染此方不應者改投疫痢方用  
蒼朮一兩防風白朮白芍羌活豆豉一錢效

愈後調治方

太平酒溫病愈後元神未復腰腳無力渾身酸軟者此方主之

糯米酒糟晒乾炒黃色為末二兩四錢主消食除冷氣殺腥去草菜毒潤

皮膚調藏府和血行氣止痛。紅曲陳久者佳炒黃黑為末二兩四錢主健

脾消食養陰滋血。六神麴陳久者佳炒黃黑為末四兩八錢主健脾胃

化穀消食。小麥麩

陳麥麩佳去淨面筋晒乾炒黑色為末四兩入錢

主天行溫毒

熱極發狂發斑疹大渴者又主調中養氣健人生力助五藏

除煩悶利小腸麥乃養心之穀屬火而麩則能退心熱與胸

大膈之熱蓋取同氣相求亦從治之意也。

白殭蠶

白而直者佳酒炒黃

色為末入錢

全蠶退

去土為末四錢

加枳殼

米通

治食滯飽悶服散

亦妙。右六味研勻水丸每服一兩以冷黃酒三兩調蜜一

兩送下隔五日如法再服如是三次開胃進食健人生力只

十餘日仍如無病一般因名其方為太平酒

產後瘟病方

治產後大熱神昏四肢厥逆謔語或不語等症若發狂燥結量加大黃芒硝內經曰熱淫

於內治以鹹寒佐之以苦  
又曰有病則病受之是也

三合湯

此本生化小柴胡小清涼  
三方加減合而為一也

當歸

入錢酒洗

川芎

三錢

桃仁

炒研一錢

紅花

一錢酒洗

黃芩

三錢

粉丹皮

三錢

白殭蠶

二錢酒炒

全蠶退

十二個

金銀花

三錢

澤蘭葉

三錢

生甘草

一錢

錢

益母草

五錢去老梗

軟柴胡

四錢

梔子

三錢

水煎入蜜酒童便和服

小兒痲病

凡治瘟病可隨症酌用

加味太極丸

溫疫論原方無蟬退天竺黃五錢胆星五錢大黃三錢冰片三分有麝三分端陽收合硃砂為衣姜湯化下與此少異

湯化下與此少異

白姜蚕

二錢

全蠶退

一錢

廣姜黃

三分

川大黃

四錢

天竺黃

一錢

胆

星錢冰片一分

共為細末，糯米濃湯和丸，如芡實大，冷黃酒

和蜜泡化一丸冷服。○愚按天竺黃真者不多得，擬以竹瀝

代之，蜜丸亦可。

滌疫滋生湯

主治瘟疫時氣，最良，可時常飲之。

卽自己尿也。

避穰瘟疫方

用貫衆長浸水缸中

簡便方治大頭瘟

此方甚效，並治咽喉腫痛。

吳茱萸搗爛，醋糊和敷，臍心卽消。

簡便治瘧方

漢陽進士黃亮夢神傳此方治瘧疫果救多人

小用小便一碗薑汁一鍾同煎一滾服

療時疫者服大黃良

陳宜中嘗從夢中得此方夢神人語曰天災流行人多死於疫癘惟服大黃者生事

見宋史

治呃逆胸痞等症方

用白毛烏骨雞一隻從雞胸活割開安病人胸前燻之自愈  
又方將雞乾擗去毛破開去腸屎刀切爛鋪心頭上治濕熱  
發黃昏沉不省人事死在須臾者少頃即活

辟邪丸

雄黃一兩 鬼箭羽 赤小豆 丹參各二錢

共為細末、煉蜜為丸、如桐子大、每服五丸、溫水下、服此、雖與病人同牀、合被、亦不傳染。又用雄黃抹鼻、或飲雄黃酒、亦可。又方、取初病人衣服、蒸之、令散氣、亦不傳染。

備用諸方

大承氣湯 陽明病痞滿燥實譫語煩渴腹痛便秘此方主之

大黃四錢 芒硝二錢 厚朴四錢 枳實二錢 水煎溫服硝俟藥煎成另沖入

小承氣湯 陽明病心腹脹滿潮熱狂言而喘此方主之

大黃三錢 酒浸厚朴二錢 薑炒枳實一錢 水煎溫服

調胃承氣湯

陽明病、不惡寒、反惡熱、大便秘、譫語、此方主之。

大黃

酒浸三錢

芒硝

三錢

炙草

二錢

水煎溫服

桃仁承氣湯

瘟病去桂枝

桃仁

連皮尖五粒

桂枝

三錢

大黃

酒浸四錢

芒硝

二錢

炙草

一錢

水煎沖芒硝

溫服

瀉心湯

大黃

二錢

黃連

一錢

黃芩

一錢

搗碎、麻沸湯漬之、去渣服。

增損代抵當湯丸

大黃

酒洗四兩

芒硝

二兩

山甲

炒

夜明砂

淘

莪朮

醋炒

當歸尾

一兩

酒蒸各

一兩

紅花酒洗七錢 生桃仁七十粒 丹皮一兩 牛膝一兩 共為末煉蜜丸

薑湯送下三錢

百合地黃湯治百

百合七個 劈破以泉水浸洗去沫另用泉水五盅煎取一盅半

生地黃二兩洗淨用泉水五盅煎取一盅半二汁合一處分

二服大便下惡物如漆中病即止不中再作服

三甲散治主客

鼈甲酥炙 龜甲酥炙 山甲土炒 殭蠶生用切 全蟬蛻

五牡蠣粉五分 當歸五分 白芍酒炒 廕蟲俗名土蠶三個 搗



其渣與諸藥同煎，水煎去渣入麻汁和服，隨症加減，附後。

或痺瘧者，加何首烏錢一、懷牛膝錢一、胃弱欲作瀉，宜九蒸九晒。

○若素有鬱痰者，加川貝母去心一錢。○素有老痰者，加栝蒌搗爛。

○二嘔則勿用。○咽乾作癢者，加知母五分、天花粉五分。○素有內

傷瘀血者，倍麻，無此物，用桃仁泥錢一、乾漆炒烟盡五分代之，服後

病減七八，漸進調理法可也。

小柴胡湯 瘟病用之多不用參

柴胡錢四、黃芩錢二、半夏錢二、人參錢一、甘草錢一、生薑錢二、大棗二枚，水煎服。

黃連犀角湯 狐惑病咽乾聲啞此方主之

黃連 酒炒 犀角 二錢磨 烏梅 三枚 木香 三分 水煎另入二汁服

雄黃銳丸 治狐惑 蟲食藏 半夏 二錢 人參 一錢 甘草 一錢 大棗 二枚 水煎

雄黃 黃連 苦參 桃仁 青箱子 各等分 共為末以艾

汁丸如棗核樣棉裹入穀道中

補陰益氣煎 此補中益氣之變方也景岳云有騰雲致雨之妙

熟地 三五錢 當歸 二五錢 山藥 炒二錢 陳皮 一錢 人參 一錢 升麻 五分 火

用柴胡 一錢 生薑 二錢 炙甘草 一錢 水煎服

去升柴山藥陳皮參薑加炮薑名理陰煎治天一無根真陰

不足

梔子厚朴湯 重加神曲  
治食復

梔子 厚朴 枳實 神麩

人參三白湯 加柴胡三錢名  
參胡三白湯

人參 二錢 白朮 三錢 白茯苓 三錢 白芍 三錢 生薑 三錢 大棗 三枚 水煎服

此方純乎調內，若參胡三白湯，以人參為君，佐白朮以培太陰之母，白芍以滋厥陰之血，茯苓以清少陰之水，生薑助柴胡散表邪，大棗助人參補元氣，信為大病後調理之聖劑矣。若榮衛不和，去柴胡，加桂枝，口渴心煩，加麥冬、五味，輔人參生津止渴，心下痞，加黃連、枳實瀉心，不得臥，加竹茹泄太陰。

熱如無表熱並去柴胡，即人參三白湯矣。按瘟病桂枝慎用。

五福飲 凡五藏氣血虧損者此方能兼治之足稱王道之最

人參 補心隨 熟地 補腎三錢 當歸 補肝二錢 白朮 補肺泔浸

甘草 補脾蜜炙一錢 水煎溫服或加生薑

凡氣血兩虛症以此為主或宜散者加升柴荆防宜溫者加薑桂附子宜清者加梔子青蒿地骨皮之類左右逢源無不可也原方加熟棗仁二錢製遠志肉一錢名七福飲治氣血兩虛而心脾為甚者按此泛論非為溫病言也

茵陳蒿湯 治發黃症

茵陳蒿二錢 梔子三錢 大黃酒浸五錢 水煎溫服之再服全愈

又補遺諸方

代天靖疫飲子第二方二分 晰義中本三方條辨僅錄其第一即清化湯是也

陳皮六分 丹皮一錢 川連一錢 黃芩一錢 黃柏一錢 骨皮一錢 車前一錢 木

通一錢 僵蠶炒三錢 蟬蛻十枚 神麴炒三錢 當歸二錢 桔梗二錢 水煎入蜜

酒服。一人於四月間因着惱患瘟疾憎寒壯熱頭沉遍體疼痛誤服發汗藥更重服此一付而瘟疹現連進四服全愈

第三方

川連一錢 當歸三錢 丹皮二錢 生地二錢 僵蠶炒三錢 蟬蛻十個 木通二錢 車

前錢一神麴炒三錢紅花錢一桔梗錢一黃芩錢一引同前加自己尿一

杯服。一人患瘟因誤服防風通聖散葛根湯小柴胡湯發

汗和解等藥延挨半月病勢危甚渾身壯熱目赤譫語手足

抽牽服此方兩付全愈

清心驅疫飲子第二方原本此亦三方條辨錄其第一即神解散是也

川連錢一僵蠶炒一錢蟬蛻個十白附錢一陳皮六分丹皮錢一當歸二錢生

地二錢車前錢一木通錢一神麴炒三錢桔梗錢一甘草五分引同前第三

方。一人患瘟憎寒壯熱心疼嘔吐發狂譫語昏不知人因

誤服解肌發汗藥病勢甚危與此一服而安再服全愈

第三方

川連

錢一當歸

錢二生地

錢二丹皮

錢二生黃芪

錢一紅花

錢二澤蘭

蟬蛻

錢五僵蠶

錢三桔梗

錢二神麩

錢三黃芩

錢二甘草

錢三

引同前、一婦人年近五旬、患瘟、憎寒、壯熱、頭暈、四肢無力、乾嘔、用此方一服全愈。又一婦人年五十一、腹中有孕五月矣、患瘟、內熱、身涼、頭痛、作嘔、病勢甚危、亦用此方即愈、不得謂蠶蟬為孕婦禁用之藥、所以有病則病受之、並不動胎氣、

又滌熱三方

大梨削薄片、於新汲水中、去渣飲汁、即梨漿也。○生藕搗爛、

取汁一盞，入蜜一合，和勻分爲二服。○用旋青一茶匙，以新

又汲井水調服效。

清燥養榮湯

治數下後，陰虧津液不生，目澁舌乾，口燥者。以下三方，本吳氏溫疫論。

知母 花粉

歸身

白芍

陳皮

地黃汁

甘草

燈心引

承氣養榮湯

治下後熱渴未除，裏症仍在者。

知母 當歸

白芍

生地

大黃

積實

厚朴

貝母養榮湯

治下後痰涎湧甚，胸膈不清者。忌用參朮。

知母

花粉

瓜蒌仁

貝母

橘紅

白芍

當歸

蘇子

人參養榮湯

此乃吳氏增減者，原方無麥冬、知母、有茯苓、遠志、桂心、白朮、臨症酌之。



人參 麥冬 五味 地黃 歸身 白芍 知母 陳皮

黃芪 倍加 甘草

參歸養榮湯 治下後反痞

人參 一錢 半夏 二錢 生地 二錢 熟地 三錢 大棗 二枚 生薑 三錢 炙草 一錢 白

芍 酒炒 當歸 二錢 水煎溫服

果係虛症一服其痞如失若下後仍潮熱口渴脉洪太而痞者投之禍不旋踵須詳辨之

二聖救苦丸 本古今醫鑑及良朋彙集按此亦治瘟疫表裏雙解之藥屢效

酒大黃 二兩 牙皂 一兩 去皮弦

共為細末、打熟麵糊為丸、如菜豆大、每服四十九、菜豆湯放

冷送下、得汗而愈、亦云每服二錢、亦視症酌之

五瘟丹 治四時瘟疫流行、並諸瘧熱病

黃連、黃柏、黃芩、甘草、紫蘇、香附、各一兩

右六味皆生用、於冬至日製為末、用錦紋大黃三兩、濃煎湯

去渣、熬成膏、和前藥為丸、如彈子大、硃砂雄黃末為衣、再貼

金箔、每服一丸、冷水磨服、神效

鼈甲散 治傷寒入九日不瘥、諸藥不效、名壞傷寒、按瘟病十數日、後邪熱不解、表裏未清、諸藥不效、而為壞症者、亦擬

用此方救之、故復錄以備參酌

鼈甲

炙研

升麻

前胡

烏梅

黃芩

犀角

枳實

各七分

生

地一錢甘草五分水鍾半煎八分服

一方用黃丹

胡椒

白礬

各一兩

馬蜂窩

五錢一方無此味

共為細

末、每用時約二三錢、以老葱共搗成膏、男左女右手捏住、對小便處、即時汗出、效。

又方用大黃

三錢

芒硝

三錢

胡椒

按病人每歲一顆

○共搗如泥、男左女右

手捏住、或夾腋下、夾片時汗出、即愈。○按吳氏曰、瘧病汗解

在後、若戰汗不得、及一應汗解而不得者、故復錄二方於上、

以備酌用、

附治諸瘰六方

加味敗毒散 治捻頸瘰其症咽喉腫痺失音湯水不下危在旦夕

羌活錢一 前胡錢一 芥穗錢半 牛子錢半 枳殼錢一 元參錢三 馬勃錢三 桔梗

黃芩錢二 射干錢二 薄荷錢一 殭蠶錢五 人中黃錢三

如藥不能下急用穀心刺鼻孔出血更用針刺少商穴穴在

大指指甲盡處內際向外一分左右皆可刺更用白礬銀硃

冰片等分研末吹喉中令吐出痰涎後服藥

栝芍散 治血痢瘰其症腹痛下墜便膿血如痢日夜無度

生大黃錢三五 芍藥錢二三 枳實錢半 檳榔錢二 厚朴錢一 金銀花錢五 人

中黃

錢三

引加東壁土一塊

生犀飲

治瓜瓢瘟其症胸高脇起氣喘嘔血

犀角汁

一盞

黃連

錢二

瓜萼

錢三

蒼朮

錢一

人中黃

錢三

○引同前

大便

閉加大黃三五錢虛加參

三黃湯

治楊梅瘟其症遍體紫塊如瘡癰

黃連

錢二

大黃

錢三

五

人中黃

錢三

赤芍

錢三

丹皮

錢二

滑石

錢二

元參

錢三

生地黄

錢三

甘草

錢一

大渴飲冷者

加石膏

錢五

葛根

錢八

人中黃散

治跖踏瘟其症發塊如

人中黃

錢一

雄黃

錢半

薄荷

錢三

桔梗

錢三

甘草

錢一

大便閉加

人中黃

錢一

雄黃

錢半

薄荷

錢三

桔梗

錢三

甘草

錢一

大便閉加

人中黃

錢一

雄黃

錢半

薄荷

錢三

桔梗

錢三

甘草

錢一

大便閉加

大黃

犀牛飲

治錦霞癩，其症渾身斑疹成片，痛痒異常。

犀角汁

一盞，牛子二錢，荆芥二錢，防風半錢，赤芍二錢，生地三錢。

者，加石膏

五八錢，葛根二錢。

又附治小兒葡萄疫

此症多因感受癘疫之氣，鬱於皮膚，凝結而成，大小青紫斑點，狀若葡萄。

發於遍身，惟腿脛居多，甚則邪毒攻胃，以致牙齦腐爛，臭味出血，形類牙疳，而青紫斑點，其色反淡，久則令人虛弱。初起宜服羚羊角散，久虛者宜服胃脾湯，米泔水漱口，以非瘡散日擦四五次，即效。近見中年之人，下虛者亦患此症。

治法

羚羊角散

同前

羚羊角 麥冬 黃芩 知母 牛子 防風 元參 各八分

甘草 二分 竹葉十片 食遠服

胃脾湯 白朮 遠志 麥冬 沙參 茯神 陳皮 各六分 五

味 五分 甘草 五分

非疳散 羚羊角 人中白 煨 文蛤 各一錢 爲細末、用米泔水

漱口後、擦此藥、按瘟病一門、創立於仲景、遺失於漢魏、晦

亂於叔和、至吳氏始辨正發明、陳氏提綱握要、楊氏復爲條

辯而詳論之、其義乃重明於今日、愚之此書、蓋信述而竊取

之、其中間有去取、運用不同者、特欲明白簡易、昭人心目、非

